

韓

集

箋

正

明東吳徐氏東雅堂韓集臧書者家置一編蓋以朱子考異止辨正諸本異同暨莆田方氏舉正所從之當否未暇它及也以考異散附正文句下自王酉畊始稍有箋疏不爲賅備建安魏本廣摭衆說又未免失之太繁惟此本錄考異之文節取魏本各注易于循覽耳但徐氏所采實用南宋廖登中世綵堂本登中爲賈似道門客學問蕪淺所採輯多不精審又經徐氏重刻例不標注家姓名往往有強彼就比膠轕不清者則亦未得爲善本也珪於此集悉心研悅積有年所其所援引必爲尋究本源其人物爵里及韓子一生出處則考之新舊唐書司馬溫公通鑑皇甫持正碑誌李習之行狀程致道歷官記呂洪二年譜參互鉤稽實事求是文苑文粹亦旁資校證焉并酌錄何義門讀書記陳少章韓集點勘王惺齋讀韓記疑顧俠君方扶南各詩注以廣見聞間附鄙論質之大雅此後續有所得當更曾益其所不逮云皆道光辛丑上元日瑞安雪齋方成珪識

韓集箋正

校東雅堂本

瑞安雪齋方

邑後學陳

卷首

李漢序 至後漢曹魏氣象萎爾 爾王留畊本作蕭文粹同當从之謝靈運過始

寧墅詩疲爾慙貞堅注引莊子齊物論爾然疲役司馬彪曰爾極貌也奴結切

先生生於大歷戊申 王本注或無於字 教人自爲注左氏成公二年其自爲

謀也則過矣爲下僞切 按教人自爲謂文必已出不以剽掠潛竊爲工也爲當

如字讀注及音竝非 古詩二百一十多二首 律詩一百六十三首 今計多 雜著六

十五今計少 書啟序九十六今計少 哀詞祭文三十九今計少 碑誌七十六今計

首 筆硯鱷魚文三今增送窮 表狀五十二今計少 總七百今計總七 注或作七百

一十六或作七百二十八方氏考其數皆不合 按李序所列之數惟賦四聯句

十一與目錄同餘皆互異故曰考其數皆不合也 又有注論語十卷傳學者

陳少章曰張水部祭韓子詩魯論未訖注手跡猶微茫則此云十卷者乃未成之書也今所傳論語筆解出後人僞託愚按世傳筆解止二卷晁氏讀書附志云今本李曰原本實作翺曰或卽習之所編次而附以己說與

敘說 萬怪遑惑 按遑當作惶

目錄 秋懷十首 按當云十一首 岐山下一首 諸本同然子目實作二首與

總目異何也 第十卷律詩凡八十首 今計止七十八首 徐泗濠三州節度

掌書記廳石記 據子目濠當作豪 祭虞部張員外 下脫祭河南令張員外

一題 第二卷 第二十三卷祭張給事 此題衍 相權公墓銘 題上脫故字

尉國哀表 尉當作慰雖尉慰古通然標目可不必然也

遺文目錄

嘲野睡六首 六當作二 池上絮 下脫監軍新竹亭記一題 疏憲宗崩慰

諸道 王本無此題及下題名七題 嵩山先封宮 先當作天

卷一

賦

感二鳥賦 題注五月東歸遇所獻二鳥感而作公之賦見於集者四云云蘇語雖

少貶然進學解所云不虛矣

蘇令

愚按注本姚氏集注感而作下原注有公進

學解春秋謹嚴等十句下接今其詞賦見於集者四云云今既刪去則進學解所

云不虛句爲無根且蘇說本非篤論均可從妄 念西路之羌永注羌乃發語之

詞施之句內似亦未安考異按羌固楚人發語之詞然亦有施之句內者九歌山

鬼篇杳冥冥兮羌晝晦卽其證也 汨東西與南北注汨說文水流也汨音聿視

按汨音覓又音骨此音聿當從曰作汨又說文汨訓治水其訓水流者玉篇之說

也 恒十年而不居注選詩徙倚恒漏窮舉正此顏延年直東宮答鄭尙書詩也

汲古閣文選恒誤作悼何義門刊本已改正矣 况策名於薦書注策方从閣杭

作榮朱子云策字俗體與榮字絕相似故閣本作榮 按策名委質語見左傳二

十三方作榮名自謬又方从閣本及李謝校作榮云杭蜀只同今文則杭本仍作

策也此杭字係傳寫之誤觀朱子語但舉閣本可見矣 庶無羨於斯類注惟神

堯以一旅取天下而後世子孫不能以天下取河北以爲憂樊汝霖 而當作兮

復志賦 愈既從隴西公平汴州序 唐書世系表漢江都相董仲舒少子之孫自

廣川徙隴西裔孫徙河東晉爲河中虞鄉人正河東郡也稱隴西從其朔耳又公  
受晉恩最深故終身不名且不著其姓云 居悒悒之無解兮注悒音邑憂也選  
良增悒悒視見選應璩與滿公琰書悒悒作邑邑古字通用說文悒悒不安也一  
切經音義四引字林同 誠坎軻而艱難注選坎軻多辛苦祝句未詳所出選古  
詩輶軻長苦辛輶與坎通 過洞庭之漫漫注藝按唐地理志洞庭在岳州巴陵  
縣郭璞注山海經云洞庭地穴湖水廣圓五百餘里日月若出沒於其中也 郭  
注山海經中山經洞庭之山云今長沙巴陵縣西又有洞庭陂潛伏通江又海內  
東經湘水入洞庭下云洞庭地穴也在長沙巴陵今吳縣南太湖中有包山下有  
洞庭穴道潛行水底云無所不通號爲地脈蔡氏所引未見 閱時俗之所服注  
閱杭作闕非是 按舉正閱闕本作闕不謂杭本也 謂青紫其可拾注視韓彭  
之豹變 韓彭當作彭韓 朝聘驚乎書林兮夕翱翔乎藝苑注班固賓戲云眞  
婆娑乎藝術之場云云韓楚詞朝聘驚乎江皋舉眞字衍藝術當作術藝聘驚  
乎之乎當作兮 諒却步以圖前兮注是猶卻步而欲求及前人不可得也藝也  
當作已 吾何爲乎浚之都注十三年丙子秋從董晉入汴州晉辟署校書郎爲

汴宋濠潁泗州觀察推官

蔡注

十三年當作十二年濠潁泗州當作毫潁泗州

誰無施而有獲注今按此句本用楚詞孰無施而有報孰不殖而有穫之語

考異見

九章抽思篇王逸本楚詞殖作實朱子集注謂實當作殖按秀而不實見魯論似

亦不必改字也 有肆志之揚揚注史記晏嬰傳志氣揚揚

舉正

志氣今史記作

意氣

閔已賦 在隱約而平寬注文王幽而演易

補注

文王當作西伯 望夫人其已遠

注作還作者非 補注謂望顏子也注下作字衍

別知賦 余取友於天下將歲行之兩周蔡注公自興元元年甲子以中原多故避

地江南至貞元十九年癸未凡二十年矣故云兩周 此賦作于貞元二十年甲

申蔡傳卿注既差一年謂始興元元年甲子亦無確據王惺齊讀韓記疑謂自建

中間始證以歐陽詹哀辭然哀辭明曰就食江南未接人事止聞詹名不得遽謂

取友當從陳少章說始貞元二年入都之歲爲得其實也 卒爛漫而同流注或

作瀾漫云○漫莫半切又謨官切大水也 魏本祝廷賓注瀾漫並大水也上卽

肝切下莫半切瀾一作爛非所校最爲允當蓋下既有同流字則瀾字不應从火

此注顛倒錯謬不可讀蓋傳錄之譌耳 樹蓊蓊其相摻注前漢觀衆木之蓊蓊

也祝 見司馬相如傳木本作樹宋人避英宗嫌名而改之耳 雲浩浩其常浮

注雲漫漫兮奇色補注今本作而 知來者之不可以數注楚辭哀時命篇徠者不

可與期蔡淵明歸去來辭知來者之可追韓數類也論語朋友數斯疏矣祝 魏

本孫注來者謂儀之下哀去此而無由公自言何由可以去此解義甚明不知徐

氏何以舍此而取蔡韓祝三家之謬說也論語數訓煩瀆亦與此數字異義

元和聖德詩 題注憲宗紀永貞元年八月卽位明年正月改元元和楊惠琳據夏

州叛三月辛巳夏州兵馬使周承全斬惠琳傳首以獻韓 按楊惠琳叛在永貞

元年十一月注繫元和元年正月非是周承全新舊史及溫公通鑑皆作張承金

當改正詩中降幡夜繫注同 序誅流姦臣注永貞元年八月庚子憲宗卽位又

十一月貶中書侍郎平章事韋執誼爲崖州司戶孫 庚子當作乙巳蓋以庚子

日頒詔內禪而受冊卽位實在乙巳也是月丁酉朔庚子初四日乙巳初九日韋

執誼先貶崖州司馬後貶司戶憲紀宰相表及公實錄皆可考注旣繫永貞元年

十一月是初貶也司戶當改司馬 郊天告廟神靈歡喜風雨晦明無不從順



舊史憲宗紀元和二年春正月己丑朔上親獻太清宮太廟辛卯祀昊天上帝於郊正先是將及大禮陰晦浹辰宰臣請改日上曰郊廟事重齋戒有日不可遽更享獻之辰景物晴霽人情欣悅據此則郊天告廟四語乃實錄也 不足以自效爲解注自左傳請以曹爲解<sub>舉</sub> 請當作謂 有盜在夏注先是德宗建中間李

希烈朱泚等反至是楊惠琳劉闢繼踵而起焉韓按有盜在夏專指楊惠琳也舊史夏州節度韓全義入朝其甥楊惠琳知留後據城叛韓注並列劉闢誤矣 汝鼓汝鼓注春秋傳云伐鼓于社伐擊也孫詩采芑伐鼓淵淵振旅闐闐<sub>補</sub> 既不

用伐字此兩注當刪 夕至其部注上初嗣位未能計孫 計當作討 以紅帕

首注方云荆公本音麥潮本亦然方言注絡頭帕頭也音猶今多讀作莫轄切或作昧字蓋二音通讀考異今按集韻帕莫白切無莫轄音昧莫葛切帶也方說誤珪按集韻十五鐸帕莫轄切昧音同方說不誤朱子偶失檢耳 日行三十注賈捐之傳云吉行五十里師行三十里孫吉行下當補日字 殷其如阜注殷安也孫 殷訓安未詳按殷殷盛兒史記蘇秦傳輶輪殷殷若有三軍之衆義當用此取之江中注崇文遂入自城都孫自字衍城當作成 體骸撐柱 說文檮衰

拄也徐鉉等曰今俗別作撐非是字當从木不从手 扶珪綴組 扶粹作拊按

集韻入聲二十三錫拊與析同漢書揚雄傳析人之珪公當用此綴組雲臺見南

史張充傳 施令酬功急疾如火注十月賜文武官勳爵韓 官下脫隋字賜文

武官階勳爵乃元和二年正月辛卯事見新史憲紀注繫元年十月似誤 區外

雜虜注鎮州常山縣 縣當从魏本作郡 開揭磊砢注選金玉磊砢祝 金當

作水見司馬相如上林賦郭注磊砢魁疊貌也 獸盾騰拏注拏說文云牽引也

楚辭殺亂兮紛拏拏女加切祝 汲古閣說文拏牽引也从手奴聲女加切拏持

也从手如聲亦女加切段懋堂本校正曰拏牽引也从手如聲女居切拏持也从

手奴聲女加切如此分析則兩字音義判然矣注引楚詞王逸九思句當从女居

切作拏漢書霍去病傳漢匈奴相紛拏史記作拏拏字是也 旂常婀娜注曹植

曰華容婀娜補注 洛神賦婀娜作娜王留耕本正文及注並同然考說文婀娜乃木字

也 日君月妃注禮記君之與后猶日之與月韓前漢李尋傳日者衆陽之宗輝

光所燭補注 禮記昏義君作天子李尋傳宗作長輝作輝 瀆鬼濛鴻注選濛鴻

沈茫祝 句見揚雄羽獵賦實作濛濛漢書雄傳同當引江文通丹砂可學賦實

濛鴻而上厲 嶽祇業峨注後漢增業業峨祝句見班固傳西都賦汲古本業只  
作業文選作增盤崔嵬何義門校云後漢書作增業業峨注云業峨高也業五臘  
反是義門所見之本與祝氏同當以之校正毛刻 飫沃羶薌注或云當飫厭  
當下脫作字 境落塞舉注塞或作騫 按騫當作騫 滌濯剗礪 山海經西  
山經錢來之山其下多洗石郭注澡洗可以礪體去垢圻 一似堯禹注蓋取禮  
記一似重有憂者洪 今檀弓作壹古通用 奉太皇后注憲宗母昭憲皇太后  
王氏孫 昭當作莊以新舊紀校改

將歸操

題注

至於河西聞寶鳴憤舜華之死也孫

西當作而

按寶鳴憤孔

叢子作鳴憤犖犖見孔叢子記問篇魏本蔡注引作鳴憤寶犖此誤脫寶字 蜀

本於注云上增又曰二字

舉

注云當作注文

此効蔡邕作十操

考

効俗字當

作效 狄之水兮其色幽幽注

河水至東阿荏平等縣東北流四瀆津

考

荏當

作荏說文作𦵏从艸杜聲仕留切濟北有荏平縣段大令云荏俗作在按今趙誠

夫水經注釋亦誤

濟水受河又沛瀆自河入濟水徑周通故有四瀆之名

異

按水經濟皆作沛玉篇沛古文濟字此沛瀆之沛蓋略存其形而誤也又水經注

自河入沛自沛入淮自淮達江水徑周通故有四瀆之名朱子刪去自沛入淮自淮達江八字則所以名四瀆津之故未明 孔子臨河歎而作歌曰狄之水兮風

揚波舟楫顛倒更相加歸來歸來胡爲斯

考異

狄之水水經注作狄水衍無第三

句斯于欽齊乘引作期

然此皆齊地今在濟鄆之間史記以爲孔子自衛將西

見趙簡子則其道不當出此

考異

今在于欽齊乘作在今當从之齊乘又云漢陳

留郡平邱縣有臨濟亭故狄也蓋濟水出陶邱北南被孟豬北瀆注巨野亭臨此瀆故曰臨濟春秋時狄人據此因以名焉此水夫子所歌至王莽時枯竭水經所謂濟枯渠注巨野者也其自巨野至四瀆津與河合流者乃齊之清河水經所謂得其通稱者是也漢千乘郡別有狄縣安帝更名臨濟唐又別以漢東都陽縣爲臨濟今章邱之臨濟鎮也朱子蓋疑於此云按此條引見趙本水經注卷五潔水下可以釋考亭之疑因備錄如右

猗蘭操

題注

世人闇蔽

世樂府解題作時

雪霜賈賈注禮記賈賈然來

祝

雪霜粹作霜雪賈說文貝部作賈徐鍇繫傳賈猶亂也交互之義廣韻去聲

五十侯賈交易也檀弓賈賈注目不明之貌與此異義

龜山操 題注 龜山在泰山博縣 縣下當補北字 孔子曰吾歌可夫曰樊夫

下魏本有歌字當据補 季子曰樊 子當作氏 以羣婢也樊 婢下脫故字

不能雲雨注一作爲雨雲或作爲 此杭本也注冗複當刪一句

拘幽操 題注 憂勤勤兮 王本作憂勤勤兮當從之 天王聖明注徐仲車言

退之拘幽操謂文王囚羑里作 謂當作爲

岐山操 伊我承序考異漢書多云朕承天序是也 漢書成帝紀可以承天序郊

祀志下帝王之事莫大乎承天之序霍光傳不可以承天序至朕承天序句僅見

於董賢傳考異多字衍或朕字衍

履霜操 題注伯奇編水荷而衣焚 王本水作芟郭戊倩樂府解題同 誰說碩

兮知此冤孫 句疑有誤方氏世舉本作誰能流顧兮知我冤語較明顯然不知

其何所本也樂府解題惟碩作顧餘同孫注

雄朝飛操 題注 木犢子所作樊 木王本亦作牧 雌雄羣遊於山阿 於王

本作兮顧俠君本從之然樂府解題及魏本只作於 羣雌粥粥注粥粥或謂字

當作爾杜詩難話爾難翁集 按爾當从口不从四見說文二篇口部口音喧况

袁切杜詩奉寄河南韋尹丈人難作誰當改正

別鵠操 樂府解題作別鵠操陳少章謂鵠鵠本一字古通用愚按說文鵠鴻鵠也

胡沃切鵠下各切淮南子覽冥訓鴻鵠鵠班固西都賦鳥則玄鵠白鷺黃鵠鵠

鵠左思吳都賦鵠鵠鵠鵠鵠鵠皆鵠與鵠並舉似不可謂一鳥也 題注

穆子聞之孫 穆作牧諸本同蓋題義正文作穆子而古今注自作牧子也孫注

不誤此傳錄之誤耳 攬衣不寐食忘飧後遂爲夫妻孫 諸本同惟古今注原

文寐作寢後遂爲夫妻句古今注無之不知何人所增秀埜艸堂本改遂爲還想

係臆定此殆用左傳隱元年遂爲母子如初之文也但無如初二字意殊未足耳

且可繞樹相隨飛注李陵詩長當爲此別且復立斯須又古樂府與子如黃鵠

將別復徘徊亦此意也正 爲此別之爲當作從與子二語乃劉孝綽江津寄劉

之遴詩非古樂府也

南山詩 題注王平甫以謂南山勝北征洪 謂當作爲 海浴褰鵬鵠注史記中

行人面鳥鵠祝 見趙世家行當作衍 詆訐陷乾寶注又侵及東北乾位故云

陷乾寶也孫 陷當作陷東北當从王本作西北乾西北之卦也見說卦若東北

則良位非乾位矣 踊躍猱猱注楚辭猱猱維處兮虎豹嘯祝 雜處王注楚  
辭及文選劉安招隱士篇皆作羣嘯 巨靈與夸蛾注自冀之南漢之東無隴斷  
焉樊 自下脫此字當据列子天問篇補 塢塞生恂恂注直恂督而自若祝按  
集韻通作噉噉樊 噉當改恂若當改苦又集韻五十候噉下引說文云鳥子生  
哺者不與恂通當作噉今本作噉亦誤噉下从目不从月 達枘壯復奏注盧仝  
月蝕詩頭戴弁冠高達枘<sup>舉</sup>正 此言朱雀也唐詩紀事作丹冠爲是諸本作弁冠  
亦通或作井冠則無理矣 顧眎勞頸脰 眎當作眎 脰閃雜鼪鼪注爾雅云  
鼪鼪夷由 此爾雅釋鳥文也注鼪當作鼠又正文脰當作脰 後鈍噉噉注  
玉篇噉噉詁說也詁說言不正也祝 兩詁字當从魏本作詁 或如火燔燔  
燔當作燔舉正燔作燔云从唐本及李謝校按燔字較燔爲勝考異不載何也  
閭闔樹牆垣 大雅崇墉言言毛傳言言高大也禮玉藻二爵而言言斯注言言  
與閭闔同蓋古閭言言皆通用 闕闕屋摧蠶 管子小問篇闕然止注住立兒  
史記匈奴傳闕然更始注安定意公詩義當用此摧疑垂字之譌禮玉藻頤蠶注  
頤如屋霑之垂也作垂義爲勝然無本可校姑仍之 芬苾降歆嗅注或作歆依

字當作歟 注下歟字當作歟說文歟鼻就臭也

謝自然詩 冠屨同蛻蟬注楚辭濟江海兮蛻蟬祝楚詞王褒九懷陶壅篇實作蟬

蛻 翹翹莫逢旃注昔夏之方有德也云云樊 云云二字衍 此禍竟連連注

莊駢拇篇又奚連連如膠漆纏糾注初 纏糾當作纏索 狐狸騁妖患 楚辭九

章抽思篇茲歷情以陳辭兮蓀詳囂而不聞固切人之不媚兮衆果以我爲患賈

誼臚賦忽然爲人兮何足控搏化爲異物兮又何足患張華鷗鷗賦動翼而逸投

足而安委命順理與物無患古患字多音還焦贛易林患字亦皆叶平聲

秋懷詩十一首 蕭蘭共雕悴注荀子勞苦彫悴舉 荀子子道篇悴作萃舉正原

文同 卽此是幽屏注選張衡曰雖擇幽屏祝此則陶潛歸去來辭覺今是昔非

之意 揮當作插句見左思吳都賦非張平子語李善注云謂生處也又曹植出

婦賦遂墮頰而失望退幽屏於下庭皆公詩意所本昔非之昔當作昨 王事有

朝請注孟康日律春曰朝秋曰請樊日當改曰 不如觀文字 說文觀从見盧

聲庀下从且此作旦非 所罽石與甌注西漢揚雄傳家無甌石之儲孫 揚雄

傳家產不過十金乏無甌石之儲不作甌注僧石解見刺通傳而刺通傳亦只作



儻不知孫氏所据何本 吹燈當我前 按淮南說山訓或吹火而然或吹火而滅所以吹者異也此用吹然之義 望舒覽其圓注張載曰望舒四五圓補注 張詩圖作圓此張協字景陽雜詩非孟陽語當改正 敗虞千金弄注以天屬者迫窮禍患害相報也蘇 報當依莊子山木篇原文作收

赴江陵途中寄贈三學士 題注故公詩自陽山赴江陵因詩序其得罪之由韓

詩序之當作特 掉臂莫肯酬補注 史記馮驩補注 驩當作驩 親逢道邊死注漢

書何處求子死且古語又有直如弦死道邊之說考異 樂府解題何處求子死漢

書酷吏尹賞傳何處作安所直如弦二語見後漢五行志順帝末京師童謠 前

日遇恩赦注貞元二十一年正月乙巳順宗即位孫 按是年正月無乙巳當作

丙申月之二十六日也公實錄亦可證 何況親犴獄注漢書義曰鄉亭獄曰犴

祝 義上脫音字亭下脫之字 涼風日脩脩 脩當作修樂府魏武帝塘上行

邊地多悲風樹木何修修管樂所奏作蕭蕭是古修與蕭音義皆通 昨者京師

至 京師當从諸本作京使 嗣皇傳冕旒注謂憲宗即位貞元二十一年八月

也按憲宗於貞元二十一年八月丁酉朔受內禪即改是年爲永貞元年是永貞

元年無七月貞元二十一年無八月也卽位之日乙巳係八月九日 璵璣鳴環  
璵注周禮以玄璵禮北方書厥質惟璵琳環玕孫按三禮圖凡玉佩有雙璵孫以  
天子禮神之璧當之非是所引禹貢衍惟字 政理同毛輶 政當從王本魏本  
作致對偶方整 自從齒牙缺方慕舌爲柔注淮南子老子學商容見舌而知柔  
注云商吐舌示老子又劉向說苑常撻有疾又老子曰舌之存也豈非以其柔乎  
夫齒之亡也豈非以其剛乎集注 舌當从干其从千者音括今多誤寫見舌而知  
下脫守字吐舌上脫容字撻當从木作撻說苑敬慎篇文子上德篇並同舌之存  
也句上當補夫字下齒上夫字當刪 解網祝蛛螫注湯見設網者四面轉網當  
改網 冤氛銷斗牛注其夕斗間氣不復見唐 唐注斗下脫牛字 明月非暗  
投注引離陽書又衆莫不按劍相眄者孫 離當改鄒眄當改眄  
岐山下二首 丹穴五色羽其名爲鳳皇注山海經丹穴之山有鳥狀如鶴五色而  
文名曰鳳是鳥也見則天下大安寧樊按經訓堂本南山經鶴作雞色作采天下  
下無大字當据原書校正

此日足可惜贈張籍 維時月魄死注漢律歷志死魄朔也生魄望也韓志下兩魄  
皆作竊師古曰竊古魄字同 州家舉進士選試繆所當 按籍祭公詩云北游  
偶逢公盛語相稱明公領試士司首薦到上京謂此也 主人願少留注時李元  
爲河陽節度使土人謂元也孫 按李元本名長榮德宗賜名元淳永貞元年十  
二月以避憲宗御名改淳州爲蠻州還淳縣爲青溪縣淳風縣爲從化縣姓淳于  
者改姓于元淳之改名元當卽在此時 黃昏次汜水注汜水在河南成皋縣  
詩江有汜祝 按祝注當刪 驚波暗合沓 李白九日登山詩連山似驚波合  
沓出溟海正公詩所本也 甲午憩時門 左傳昭十九年龍門于鄭時門之外  
洧淵杜注洧水出滎陽密縣東南至潁川長平入潁滎陽卽唐鄭州滎陽郡密縣  
屬焉龍朔二年以縣改屬河南府潁川長平唐景雲初爲西華縣屬陳州淮陽郡  
東西出陳許 東西當從王本魏本作東南元和郡縣志汴州東南至陳州三  
百一十里許州東南至陳州二百六十里許密邇於陳而曰陳許者節度使以陳  
許名故也 角角雄雉鳴注角音谷見集韻<sup>舉</sup> 按集韻入聲一屋略雉鳴或从  
角作喙至四覺之角則引說文訓獸角訖岳切無音谷者 宅我睢水陽注徐泗

濠節度使張建封孫 濠當作豪 詩尾注按此篇押二光字二鳴字二更字二

狂字蔡 篇中尚有二城字二江字蔡說不及想亦用杭蜀本也

幽懷 繁吹蕩人心注禮記命樂師大合樂祝 合樂當作合吹

歸彭城 訐謨者誰子 時爲相者賈耽崔損鄭餘慶也 食芹雖云美獻御固已

癡注列子宋有田夫喜食芹者對鄉豪稱之鄉豪取而嘗之蜚於口慘於腹衆晒

而怨之其人大慙祝 按列子楊朱篇宋國有田夫常衣蘊廣自暴於日願謂其

妻曰負日之喧人莫知者以獻吾君將有重賞里之富室告之曰昔人有美戎菽

甘泉莖芹萍子者對鄉豪稱之云云則食芹非宋田夫事也祝注誤 驚顧似羈

雌注枚乘曰日暮則迷鳥羈雌宿焉 孫据七發當作羈雌迷鳥 遇酒卽酩酊注

時有童子歌曰又倒著白接籬葵 童子本傳作童兒籬當作羅

醉贈張祕書 軒鶴避雞羣注今按此言張籍學古淡而不驚於綺靡如以乘軒之

鶴而反避雞羣也又軒鶴乃與天葩之句相偶<sup>考</sup> 驚當作驚又下脫作字 頗

知書八分注鍾繇爲之章程書 孫蓋八分之後又分此法謂之八分蔡 爲當作

謂八分之後當作八體之後八體者一大篆二小篆三刻符四蟲書五摹印六署

書七受書八隸書也又樊注謂隸書卽今八分亦誤隸書乃今之眞書行書周越書苑蔡文姬言割程隸八分取二分割李篆二分取八分於是爲八分書任玠五體序亦云八分酌乎篆隸之間唐六典校書郎正字所掌字體有五古文二大篆皆不用三小篆印璽旗旛用之四八分石經碑刻用之五隸書典籍表奏公私文疏用之則隸卽今楷字非八分明甚澤之亦沿歐陽集古錄之說而誤耳 諧笑方云云 莊子在宥篇萬物云云注盛兒前漢書汲黯傳上曰吾欲云云師古注猶言如此如此也按公詩當用莊義 高詞嬾皇墳注書序伏羲神農皇帝之書謂之三墳樊 皇當作黃

送惠師 乃是不羈人注使不羈之士與牛馬同阜韓 漢書鄒陽傳馬作驢皂當

阜文選同 金鷄旣騰翥注隋康孟詠日詩韓康孟當作孟康 懸瀑垂天紳注

宋之問詩雨巖天作帶雲壑樹披衣舉正 按此宋延清早入清遠峽詩也原本雨

作兩雲作萬觀上聯云雨色搖丹嶂泉聲聒翠微則此不應複出雨字明甚季申

所引大約誤本耳

送靈師 題注此詩貞元十九年復在連州陽山作也云王員外者仲舒也仲舒時

亦謫連州司戶 復當作後公于貞元二十年春抵陽山故舉正定爲二十年作

謫與謫同 佛法入中國爾來六百年注此詩據漢明帝時言之耳孫杜致行守

編補注後漢明帝永平八年乙丑遣使至天竺得佛書及沙門至唐貞元二十年

甲申實七百四十年公方痛恨浮屠之禍不應減其年數也按桓帝紀論設華蓋

以祠浮屠老子而祠黃老於濯龍宮始延熹九年浮屠之祠大約卽在其時自延

熹九年丙午至貞元甲申亦六百三十八年矣言六百舉成數耳蓋明帝時佛法

雖入中國然楚王英外奉其道者不多至百姓傾風紛紛成俗實由桓帝信從所

致公詩意殆如此故下卽繼以齊民逃賦役云云參觀西域天竺國傳謂百姓奉

佛始桓帝時尤其明驗矣守編當作守約編 六博在一擲注楚詞宋玉招魂菟

蔽象菰韓 菟當作筮 臬盧叱迴旋注宋劉毅與劉裕博蒲穀以爲不能裕惡

之因按五木旣而四子俱黑其一子轉躍未定裕厲聲喝之卽成盧穀意殊不快

也韓又廣韻操了博蒲采名祝 晉書劉毅傳毅與劉裕博蒲擲得雉大喜繞牀

叫曰非不能盧不事此耳裕惡之因按五木久之曰老兄試爲卿答旣而四子皆

黑云云韓氏刪節太過遂至不成文理又誤晉爲宋按爲按均當改正了當作子

廣韻二十二元據攬子櫟同 開忠二州牧注魏道輔謂二牧韋處厚白居易也

二公出守在元和末此詩作於貞元二十年間考其時非也舉鮑刻魏道輔臨

漢隱居詩話趙嘏江云開牧唐次忠牧李吉甫也按次字文編貞元八年寶參貶

官次坐出爲開州刺史在巴峽間十餘年不獲進用吉甫字宏憲亦以寶參故出

爲明州員外長史久之遇赦刺忠州六年不徙官詩故並云失職也次吉甫新舊

唐書皆有傳 落落王員外注謂王仲舒自戶部員外郎貶爲連州司戶 戶部

當从王本作吏部唐志吏部員外郎一人掌判南曹故下有手持南曹敍之句

古氣參彖繫注万作象今按杜詩前哲垂彖繫考杜宿鑿石浦詩前哲作聖哲

縣齋有懷 自許連城價注願以十五城價請易璧孫注價字衍 初隨計吏貢注

漢武帝元光六年徵吏民有明當世之務令與計偕計謂上計吏簿也孫檢本

紀六年當作五年吏簿當作簿使 屢入澤宮射注禮記諸侯歲貢士於天子樊

射義貢上有獻字 侯生或遭罵注睥睨久立孫史記魏公子傳實作俾倪音

義同 鐵翻時方禘注公之貶陽山令其出以十二月故時方禘也樊 故下脫

云字 颶勢仍相借注颶風已上江陵途中寄三學士注颶音巨 已下脫見字

颺字見集韻去聲十遇音巨當云音具 睢盱互猜訝注列子老子而睢睢而盱  
盱祝 老子下脫曰字 何用畢婚嫁注後漢向平敕家事勿相關樊 向平當  
作向長敕下脫斷字

合江亭 題注篇內三處注文鄒君逸其名亭故相齊映所作故曰維昔經營初邦  
君實王佐前刺史元澄無政廉使中丞楊公憑奏黜之遂用鄒公其曰中丞黜凶  
邪指此意也公永貞元年七月初自陽山量移江陵道衡山詩所以作 按篇中  
三處注文當于邦君實王佐下補字文炫又增其制故曰老郎來何暮高唱久乃  
和十九字且當散注篇中各句下方不失古本之舊鄒公當作鄒君永貞元年無  
七月七當从洪譜作九道王本作過當从之 蒸水曾其左注蒸湘二水名卽青  
草湖孫 漢地理志承陽在承水之陽讀若蒸水經同後人傳記遂直書作蒸耳  
孫注二水名下當補蒸水二字 事往悲豈奈 說文無奈字當作奈

陪杜侍御遊湘西兩寺獨宿有題因獻楊常侍 題注諸本無兩字及因字 按當  
从諸本 椒蘭爭妬忌注椒專佞以慢慝兮樊 佞當作佞慝今本作詔非 絳  
灌共讒諂 諂當作詔爾雅釋詁諂疑也土刀切與讒諂之諂音義迴別



岳陽樓別竇司直 幽怪多冗長注故無取於冗長韓 於當作乎 爛漫倒家釀

注劉恢韓 恢當作悵 屠龍破千金注彈千金之家孫 彈莊子列御寇篇作

單音義同 遍側廁諸將注子虛賦遍側泌節 節當从水作漸

送文暢師北遊 何路補剗剗注公詩意謂文暢既祝髮爲僧欲補其剗剗而反之

初可得乎韓 按此詩自第三句自言本吳人直貫至此句皆述文暢語剗剗乃代

文暢作謙詞翼公以大道補之也韓注就公一邊說如此解詩豈不鹵莽 攀豁

剗株檄注何遜詩攀豁下崑呀舉正祝氏音義作摩豁潘岳登虎牢賦別列子吾處

也若檄株拘注斷木也考 何水部集攀或作穿傳寫之誤也呀作芽富从之集

韻作呀通祝氏音義作摩當作摩虎牢下脫山字拘當作駒崔譔原注斷樹也改

樹作木宋人避英宗嫌名耳 若飲水救渴注或作渴方云公詩用今韻者未嘗

逾韻此詩三十二韻不應獨旁取此一韻考異云今按方說不知何以見此詩用

今韻當考 字林喝傷暑也淮南說山訓救喝而飲之寒泉正公詩意所本此詩

全用十月韻不參通轉故方校云然無須考也 照壁喜見竭注有一主簿竹簡

盛過江韓 主簿下脫以字 無不比鷓鴣注爾雅陸德明音義云鷓鴣鳥有目

一翅相得乃飛故曰兼兼孔叢子北方有獸名曰蜚云云 查經典釋文無此文  
惟爾雅郭注云一目一翼相得乃飛無故曰兼兼四字所引孔叢子亦未見豈今  
本有闕文耶 飄戾逐鷗鷺注鷺一名鷺爾雅鷺白鷺祝陸氏音義唐石經鄭樵  
注本至善堂九經本同汲古本分一字爲二曰揚鳥白鷺誤矣 逞志縱獫狁注  
爾雅長喙曰獫狁短喙曰揭詩曰載獫狁祝兩曰字衍揭下脫獫字及郭注二字  
答張微 首敘始識而注宋遊韓當作宋遊道北史有傳 次言後分形注曹子建  
求自試表誠與國分形同氣憂患共之也借用以言離別 鮑明遠贈故人馬子  
喬詩烟雨交將夕從此遂分形公詩意用此不宜蔓引陳思語 結友子讓抗謂  
師我慙丁 史記陸賈傳與天子抗衡索隱引崔浩云抗對也讓抗謂不敢與公  
爲對爾雅釋詁丁當也慙丁謂恥當師之名蔡注引晉陽秋陸抗左氏襄十四年  
公孫丁事皆誤 遂通斯建瓴注譬猶居高屋之上而建瓴水也韓 而字衍  
尋徑返穿汀注徑或作巫非是 魏本云徑一作幽當從之蓋全詩每句第二字  
皆平仄仄平相間而用不應此獨異例也謝校作巫當亦幽字艸書傳錄之誤耳  
朝京忽同胎注是年冬公以徐州從事朝于京師樊 于樊注本作正當改正

塵祛又一摻注摻擊祛袂執袂別也孫袂當作袂袂下當从原注補而字梯

魑魍佻傳注古猛行

補注

猛下脫虎字

悔狂已咋指注咋嚙也大聲也又多聲

選譏譏喧咋祝

嚙當作啮咋啮也見漢東方朔傳孤豚之咋虎句下顏注只此

三字已足餘皆可刪

峨豸忝備列注北荒中有獸名獬豸

孫北上當補東字

瑣力摧撞筵注說苑建天下之鐘而撞之以筵豈能發其聲乎哉樊諸本筵从

艸方云當从竹籜絲筵也

瑣當从小作瑣筵當从諸本作筵前漢東方朔傳以

筵撞鍾注筵謂蘗筵又說文云筵莖也玉篇云言其聲不可發也皆隸艸部若从

竹作筵則說文謂籜絲管楚詞注謂小折竹文選注謂竹算以之撞鍾皆有聲矣

讀者詳之 刺史肅著蔡注家語臧文仲有守龜焉韓言刺史爲人所信如著蔡

孫 臧文仲當作臧氏家孫注不得詩意此但言大吏尊嚴耳 趨階閣前鈴注

鈴閣之下侍御不過數十人 按當从羊祐本傳作十數人 月變三十莢注帝

王世紀曰堯時有草夾階而生每月朔日生一莢至望日則落一莢月小則餘一

莢孫 太平御覽四引世紀云至月半則生十五莢至十六日後日落一莢至月

晦而盡若月小餘一莢此云至望日則落一莢非也 萃甘謝鳴鹿疊滿甃罄餅

注詩呦呦鹿鳴食野之苹鹿得苹則鳴相呼詩意謂朋友也韓詩餅之馨矣維疊之耻餅小而盡疊大而盈疊耻者刺不能使富分貧衆卹寡也孫按公詩意以國子生爲嘉賓而自謙言不能如鹿鳴之禮賢疊耻句謂己不能有以益之皆承上入學誨螟蛉句而言注未明悉飛飛聯鵲注爾雅鵲鵲離渠渠也孫離渠下脫郭注雀三字當補虬光先照礪注莊子刀刃若新發礪祝發下脫於字薦士題注爲漂陽尉時鄭餘慶尹河南公作是詩以薦之又皆公一時之薦也韓

漂當作漂皆公一時之薦也原注作皆此一詩之薦故也當改正按餘慶兩入相先於貞元十四年七月壬申以工部侍郎爲中書侍郎同平章事次年九月丙戌貶郴州司馬時東野尙未尉漂陽也後于永貞元年八月癸亥以尙書左丞同平章事次年爲元和元年五月庚辰罷爲太子賓客九月丙午遷國子祭酒玩詩中廟堂有賢相句是餘慶方當國時所薦乃永貞元年九月初事詩中嘉節迫吹帽句可證東野以貞元十六年爲漂陽尉年五十故曰五十幾何毫尉漂陽六年爲永貞元年故曰辛苦久所冒是年去尉故曰念將決然去公時移據江陵寄此詩以薦明年十一月庚戌餘慶尹河南又因李翱之薦奏東野爲水陸運從事大

約公薦東野時欲吹噓而未得其便也永貞元年八月順宗傳位憲宗與詩中聖  
皇索遺逸髦士日登造二語氣象亦合 建安能者七注建安謂魏之文人也典  
論今之文人云云東平劉公幹斯七子也孫 孫良臣原注建安漢獻帝年號東  
平劉楨下云斯七子者於學無所遺於辭無所假七子皆建安時人今以建安爲  
魏之文人謬甚改者爲也以圖簡省亦不成文理劉楨獨稱其字則避宋仁廟嫌  
名耳 孜孜營甘旨注慈以甘旨韓 甘旨當作旨甘 強箭射魯縞注前漢韓安  
國傳強弩之末力不能穿魯縞 史記韓安國傳彊弩之極矢不能穿魯縞此  
引漢書則穿當作入 寧有棄珪瑁注周禮天子執瑁四寸孫 考工記玉人作  
執冒冒與瑁通 微詩公勿貽誚當从諸本作誚字書亦無誚字  
喜侯喜至贈張籍張徹 諷詠日喁喁注選張衡曰喁喁沈浮孫 喁喁當乙句見左  
太沖吳都賦非張平子語 水鏡涵石劒注水鏡一名蜃江淮水皆有之孫 注  
誤何義門曰此謂山水清峭可喜得之矣江淮水下脫濱字 雜作承閒聘 聘  
考異作聘 交驚舌牙穠注說文穠吐舌貌樊 說文無穠字玉篇訓義與此同  
驚驥 題注唐本有贈歐陽詹字洪唐本云贈歐陽詹 下七字冗贅當刪 維昔

穆天子乘之極遐遊注史記穆王得溫驪赤兔驊騮耳之駟西巡狩至崑崙山見西王母樂而忘歸孫史記秦本紀文趙世家溫作盜驪作駟驪作綠樂而作樂之然穆皆作繆并皆無赤兔至崑崙山六字不知孫氏所据何本因言天外事注別日升崑崙之上韓上列子周穆王篇作正

馬獸穀題注君之臺觀幃簾樊簾當从原書作幃士無襠褐注按襠褐字兩

漢如賈誼賈禹貨殖傳班彪劉平張衡傳凡六見又班彪王命論短褐之襲漢書

作襠舉又淮南子亦云巫馬期纔衣短褐考襠褐字賈誼劉平傳未見襠褐之

襲見文選注引說文云襲重衣也字林曰大篋漢書敘傳作襲師古注襲謂親身之衣也先列反一說衣破壞之餘曰襲今並錄之以備異文纔衣當从淮南道應

訓原文作纔衣

嗟哉董生行題注名與東南淮水馳樊淮水下當補東南二字淮水出桐栢

山東馳遙遙千里不能休淮水出桐栢山六字句絕東馳遙遙千里不能休九字句絕此各于五字下入注謬甚不能千里百里入淮流注不能千里者以與董生居下其可以施於人者不遐也洪洪說穿鑿當刪

汴州亂二首 題注陸長源總留後樊 後下原注有事字當補 天狗墮地聲如

雷注天官書天狗狀如犬奔有聲樊 按史記原文天狗狀如大奔星有聲大奔

星卽大流星也注譌大爲犬又刪去星字非是

利劍 劍與我俱變化歸黃泉注晉雷煥得鄆城寶劍 鄆當作豐

齷齪 題注詩意大抵言當世士齷齪無能爲國慮者注集 注但解得篇首二語耳

胡朏明謂公以貞元十五年二月暮抵徐張建封居之雎上及秋將辭去建封奏

爲節度推官願辱太守薦當是未奏辟時作太賢八句皆美太守據胡氏說及詩

秋陰欺白日句參考舊紀貞元十五年七月鄭滑大水則此乃初秋居雎上詩也

### 卷三

河之水二首寄子姪老成 子疑當作示第六卷有示爽及宿曾江口示姪孫湘詩

第七卷有示兒詩第十卷有左遷至藍關示姪孫湘詩其例也 緡魚于淵注詩

其釣維河韓 河當作何

山石 豈必局束爲人轡注廷論局趣効轅下駒韓効俗字當作效

天星送楊凝郎中賀正 題注此詩貞元十二年作韓 按凝爲宣武軍判官貞元

十二年也至自汴賀正于京公作此詩送之乃十四年十二月事篇中正當窮冬寒未已句蔡注甚尤不知題下何以又採此注 僕夫起餐車載脂注詩載脂載

轄孫 轄當作羣

汴泗交流贈張僕射 紅牛纓絨黃金羈注梁吳筠曰白馬黃金羈 此吳均別

夏侯故章詩也作筠誤 揮霍紛紜爭變化注枚乘曰蜺蜺揮霍注補 句見曹子

建七啟非枚乘語 發難得巧意氣蟲注張良發八難蔡 難讀如字發難卽後

雉帶箭詩所謂將軍欲以巧伏人盤馬彎弓惜不發也蔡注大謬

鳴雁 窮秋南去春北歸注管子桓公曰鴻鴈春北而秋南不失其時視見管子戒

篇雁原作鵠按黃鵠一舉千里無春北秋南之說祝氏所見殆佳本也今花齋本

春北下無而字秋南下有而字

雉帶箭 五色離披馬前墮注爾雅雉五色備曰翬 爾雅原文雉五采皆備成

章曰翬

東方半明 東方半明大星沒注半或作未方从閣本云按舊本作半明 舊本

上當去按字補洪慶善曰四字 太白睽睽注太元經明復睽天 太元經

正

翠

舊本



次二復作腹云范本作復睽范注窺也王注暫視也

贈侯喜 吾黨侯生字叔迨注或作起起之古文也正舉 或作起下當補蜀本作迨

四字 一名始得紅顏衰注續仙傳藍采和者常于市中歌曰紅顏一春樹韓

沈約君子有所思行共矜紅顏日俱忘白髮年李白贈孟襄陽詩紅顏棄軒冕韓

氏引藍采和歌詞誠如義門所識此人後韓公百年何得引注公詩也

古意 題注其曰古意其旨深矣韓 原注作旨深遠矣 一片入口沉痾痊注嘗

膳載加韓 嘗當作常

八月十五夜贈張功曹 罪從大辟皆除死注荆公與謝本作除陡正舉 陡當作陡

謁衡嶽廟 四方環鎮嵩當中注白虎通曰嵩山夾居四方之中故曰嵩韓 初學

記白帖引白虎通卷三上巡狩類云中央之嶽獨加高字者何居四方之中而高

故曰嵩高山今本闕韓注夾字衍 豈非正直能感通注詩神之聽之正直是與

孫二語當乙 睢盱偵伺能鞠躬注列子老子而睢睢而盱盱 老子下脫曰

字

永貞行 一朝奪印付私黨注人情不側其所為孫 側當作測 腸睽跳踉相嫵

媚 賜當从易作賜施隻切 侯景九錫行可歎注九錫一曰車馬二曰衣服三曰樂則四曰朱戶五曰納陛六曰虎賁七曰斧鉞八曰弓矢九曰鉅鬯也蔡 注九錫本漢武紀元朔元年迺加九錫應劭注與韓詩外傳穀梁莊元年傳序注次稍異惟四曰榮則乃穀梁注文武紀及外傳皆作樂器 天位未許庸夫干班彪正命論又況么庸尙不及數子而欲闢奸天位者乎師古注奸音干文選作干一切經音義十三干古文作奸同 雄虺毒螫墮股肱注螫蟲行毒也集注 段校說文同汲古本蟲作虫非是

洞庭湖阻風贈張十一署 何用勝羈愁 舉正作用云晁校作由李本一作由按此詩第二字仄平平仄循環相間井然不亂當作用爲協況第六韵卽是由字不應複出也

感春四首 題注元和元年春緣江陵時作韓 緣當作據 惜哉此子巧言語不到聖處寧非癡注蓋與屈原之懲於諷諫而傷其違聖之違節也韓 按魏略太祖禁酒人竊飲之故難言酒以白酒爲賢人清酒爲聖人又晉書徐邈傳酒清者爲聖人濁者爲賢人此言屈原不肯餽糟歠醢人皆醉而已獨醒故曰不到聖處

蓋參用徐邈中聖人語緊就飲酒言而以詼諧出之非真譏三閭也注誤懲或當作長 畫蛇著足無處用注史記楚惠王使柱國昭陽將兵攻齊又謂有畫地爲蛇又吾能爲之足者又人奪其酒而飲之或曰蛇固無足孫 楚惠王當作楚懷王謂有當作請遂爲之足下者字飲之下或字並衍今从史記原文改定 且可勤買拋青春注裴釗作傳奇裴釗當作釗

寒食日出遊 有月莫愁當火令注東坡實爲李公擇書此詩作燈火冷又不知其所據何本也洪譜增考 按廣韻令屬去聲四十五勁冷屬上聲三十八梗全詩韻皆去聲不應于末韻忽然旁出坡所讀究係誤本也

憶昨行 上公禮罷元侯迴注此爲荆帥裴均罷社而享客也 爲當作謂 屈指數日憐嬰孩 疑署甫舉一子數讀上聲說文支部數計也所矩切 大帆夜劃窮高桅注玉篇云帆船上檣竿祝 帆當作桅 陽山鳥路出臨武注公賁連之陽山令張爲郴之臨武郴在江南連則廣南也樊 彬當作郴郴連二州並屬江南道爲湖南觀察使所管七州之二注誤 仵文未擗崖州熾注說文擗滅也正舉 滅當作滅

## 卷四

劉生詩 樂府解題劉生不知何代人齊梁已來爲劉生辭者皆稱其任俠豪放周遊五陵三秦之地公殆以師命適姓劉而性情與樂府所稱者合故取以名篇與青鯨高磨波山浮 易繫辭剛柔相摩釋文摩本又作磨禮學記相觀而善之謂摩說苑建本篇引作磨王惺齋讀韓記疑謂字當从手不从石亦未知古磨磨原可通用也莊子外物篇白波若山公波山字本此 妖歌慢舞爛不收倒心迴腸爲青眸注司馬遷答任少卿書腸九迴阮籍兒佳客爲青眼韓 陳少章謂青眸卽指上歌舞之人引公感春詩青眸刺劍戟爲爲證倒心回腸當引宋玉高唐賦感心動耳回腸傷氣之又注皆誤按如陳說則青當作清傳武仲舞賦所謂盼般鼓則騰清眸是也感春詩亦作清眸 五管歷徧無賢侯 舊書地理志嶺南道廣州中都督府本廣州總管府桂州邕州容州皆下都督府皆以管稱所謂桂管邕管容管也安南中都督府本交州總管府故名五管

鄭羣贈筆 題注羣嘗以侍御史佐裴均江陵孫唐孔戮私記樊 嘗當作時戮當

作戮 慢膚多汗真相宜注楚辭天問平脅慢膚韓 慢楚辭作曼注肥澤兒

青蠅側翅螽蟴避注抱朴子曰螽蟴攻君臥不獲安補注抱朴子論仙篇蚊蟻嚼膚

則坐不得安風羣攻則臥不得寧補注所引二語未見

豐陵行 清風飄飄輕雨灑注風伯清塵雨師灑道見文選補注韓子十過章昔者

黃帝合鬼神於泰山之上風伯進埽雨師灑道若引選班固東都賦當作雨師汎

灑風伯清塵

遊青龍寺贈崔大補闕 赫赫炎官張火傘 按傘古作繖其作傘始見于南史王

縉以笠傘覆面及魏書裴延儻傳山胡持白傘白旗 九輪照燭乾坤旱注淮南

子曰堯時十日並出草木焦枯堯命羿仰射十日中其九孫引見淮南本經訓

而其文互異原文曰逮至堯之時十日並出焦禾稼殺草木而民無所食堯乃使

羿上射十日萬民皆喜

贈崔立之評事 題注立之名斯立韓 名當作字 猶勝赤縣長趙尹注斯立初

爲尹陽尉孫尹陽當作伊陽 子時專場誇背距注選張衡東都賦樊都當

作京 竄逐新歸厭聞闌 闌當作闌 拔擢杞梓收梧籥注晉大夫如杞梓皮

革焉孫焉字衍 枚舉卽召窮且忍注字少儒 儒當作孺 檇檇井梧疎更

殞注槪音索又潘岳秋思賦庭樹槪以灑落注補 槪从手或從木亦通秋思當作

秋興

送區弘南歸

題注唐韻區治子之後

正舉

治當作冶

蟲沙猿鶴伏以飛注抱朴

子云周穆王南征三軍之衆一朝盡化君子爲猿爲鶴小人爲蟲爲沙孫 抱朴

子釋滯篇三軍之衆一朝盡化君子爲鶴小人成沙孫氏所引未見 洵洵洞庭

莽翠微注或作江洵洞庭宿莽微楚詞波逢洵湧潰滂沛兮又夕擊中洲之宿莽

云云祝 潰當作紛楚詞九辨莽洋洋而無極兮阮步兵詠懷詩曠野莽茫茫杜

詩亦常用莽字爲賸句祝注乃或本宿莽之解不應闌入中洲之中字衍爾雅山

未及上曰翠微注一說山氣青縹色舉正引選陸佐公石闕銘旁映重疊上連翠

微云翠微山氣也又洵洵當引楚詞九章悲回風篇聽波聲之洵洵 九疑鑊天

荒是非注選登巉巖而下望祝湘記云云韓 正文既定作鑊祝注當刪湘記當

作湘中記 落以斧引以縷微注方从唐閣杭本亡 亡當作正 疊沈海底氣

昇霏注史記天官書凡海旁蜃氣象樓臺韓 凡字衍 行行正直慎脂韋注楚

詞如脂如韋以潔楹乎注脂韋柔弱貌也韓 此楚詞卜居章之文也王叔師注

皆協韻將突梯滑稽注云轉隨俗也如章注云柔弱曲也以潔樸乎注云順滑澤也韓注曲作貌非是

三星行 題注蘇內翰云吾生遭口語無數蓋生時與退之相似吾命在斗牛間而身宮亦復在焉樊生遭口語上脫年字焉當作箕

孟東野失子 題注東野爲鄭餘慶實佐據郊渠有哀幼子及杏陽詩唐大蓋因果

耳樊實當作賓陽當作殤蓋當作槩與奪一何偏注莊子奪彼與此一何偏

也舉正莊子列御寇篇原文一何作何其細腰不自乳注博物志細腰無雌雄

之類取桑蟲或阜螽子抱而成己子韓博物志卷四物性類原文云細腰無雌

蟲類也抱作呪餘同東野夜得夢有夫玄衣巾注史記龜夢於宋元王夢見一

大夫云云補注龜下當補來見二字元王下當疊元王大夫當作大夫

陸渾山火和皇甫湜用其韻此詩樊澤之所分段落未愜鄙意按篇首二語爲提

綱自山狂谷狃至孰飛奔言風助火勢延燒之盛自祝融告休至笑語言言祝融御火與其屬飲食宴樂也自雷公擘山至焚其元言火盛則水無權而反受其尅也自天關悠悠至囚之崑崙乃暢發相生相尅之義篇尾四語點醒題中和字意

鴉鵂鵂鵂雉鵂鵂 爾雅釋畜雞三尺爲鵂玉篇下鵂似雞而大集韻公渾切  
鵂鵂同 燂魚煨燂孰飛奔注庖舍毛灸物祝 庖當作魚舍當作合 攢雞嗽  
嘔沸簾填注嘔嘔大喚祝 嘔當作嘔說文嘔大呼也 髹其肉皮通陞腎注選  
列髹形之繡揜祝 揜當从木作桷 緹顏蘇股豹兩韃注兩韃說文所以戢弓  
矢祝 兩字衍 紅帷赤幕羅脹臙注周禮以臙脹之禮親兄弟之國韓 臙脹  
二字當乙 盍池波風肉陵屯考異樊說波知風 盍下从血不从皿知風當作  
如風 豁呀鉅壑頰黎盆考異今按漢書注豁呀澗谷形容也 史記司馬相如  
上林賦豁呀豁闢郭璞注皆山谷之形容也漢書本傳豁省作豁音呼含反引郭  
注云澗谷之形容也 熙熙醕醕笑語言注注人進客曰醕祝 注人當作主人  
齒牙嚼齧舌腭反注腭或作齧齧口中齧也出字統反前漢有所平反祝 腭  
當从魏本作齧齧亦齧字之誤齧當作齧方氏世舉云玉篇有齧無腭說文俱無  
廣韻嚙口中齧嚙出字統與齧同亦無腭字 電光礪礪賴目暖注王嘉拾遺記  
月支獻猛獸令作兩目如天礪礪之炎光也祝 令字天字也字均當芟去 又  
詔巫陽反其覓注汝筮與之韓 與當作予 女丁婦壬傳世婚注玄冥之子曰



壬夫安祝融氏之女曰丁辛舉正 安當作娶 視桃著花可小齋注一作齋又齋

音愈 齋當作齋齋虛言反騰舉也謂桃始華時水可稍得勢也若作齋則訓虧

少音愈不但意義乖違卽韻亦不叶矣 月及申酉利復怨注水生於中火死於

酉故水至申而利火至酉而怨韓 利復怨謂利于復讐也孫良臣注申七月酉

八月水生于申火死于酉此元冥復怨之時解甚明析注引韓說上二句是下二

句謬甚 辭誇出真遂上焚 全詩惟此句出韻當必有誤

縣齋讀書 讀書松桂林注舊本多作竹桂舉正 竹當作松 竹答逾兼金注選雜

體詩承榮重兼金韓 此江文通雜體擬顏特進待宴詩也毛刻文選作榮重饒

兼金

新竹 清景空澄視注選偃仰澄眄視 眄當作眄

落齒 又牙妨食物 王文考魯靈光殿賦枝擘杈枒而斜據李善注杈枒參差之

兒此不从木蓋古通用 持用訛婁子注莊子踵門而訛子祝莊子達生篇原文

云有孫休者踵門而訛子扁慶子子扁慶子猶子列子子沈子也魏本祝注不誤

此刪去下三字豈復成語

哭楊兵部凝陸欽州參 纔半豈蹉跎注豈非七十之半年韓 年當作乎

苦寒 羲和送日出注山海經云東南海之外甘泉之間有羲和國有女子曰羲和

爲帝悅之妻孫 大荒南經原文甘泉作甘水帝悅作帝俊 衣被如刀鏹注列

子擁鏹帶索祝 擁鏹帶索見家語致思篇列子但有鹿裘帶索語 六龍冰脫

髻注晉傳玄詩願得並天馭六龍孫 傅休奕詩失題見藝文類聚日部馭作御

六龍下有齊玉羈三字孫注以五言爲七言誤矣 伊我稱最靈不能女覆苦注

女覆諸本皆作安寢今从唐本及蔡謝校本云韓文古本汝皆作女杭本尙作女

今訛自關本也女指上文禽雀而言苦蓋也言我最靈而不能汝覆蓋也正舉 今

當作方杭本尙作女女當作汝言我最靈我下脫雖字不能汝覆蓋之汝却當作

女 調和進梅鹽注爾爲鹽梅樊 爲當作惟 豁達如褰簾 達當作達史記

高祖紀意豁如也服虔注豁達也 風條坐檐檐注荀子是檐檐者何也祝 句

見說苑雜言篇荀子子道篇作据据

和赤藤杖歌 浮光照手欲把疑注又欲乎之而復疑之何耶又大氏方意專主奇

造異考 乎係手字筆誤大氏見前漢食貨志濯作造非

酬崔十六少府 府公舊同袍注詩豈無衣兮孫 當作豈曰無衣 惟足彪與賡

注爾雅虎竊毛謂之賡 注賡下脫貓字 魴鱒可罩汕注鑑謂之罩祝鑑取魚

之器孫 兩鑑字皆當作鑑 活計似鋤剗注或作鑿謂剗斗之也選海賦鑿臨

崖之阜正舉 斗當作平阜下脫陸字 婁瘦剩腰襍注周庚信鑑賦祝 今開府

集作鏡賦 漁釣老菼亂注菱也孫 按亂非菱明甚孫注誤當云菼菼也陸璣

詩疏亂或謂之菼至秋堅成則謂之菹 冰雪滑磴棧注前漢良因說漢王燒棧

道祝 燒下脫絕字魏本祝注不脫 何由覲清盼注或作盼按魏本作盼 舉正

李太白詩贈金鄉 君子枉清盼按字書無盼 詩美目盼兮以目美言也左顧右盼以

盼視言也按兩盼字均當 盼本作盼按盼與盼不 盼通作盼按當云盼通作盼 今

四字多不分當以蜀本爲正考異今按盼目黑白分也盼莫見切从省作盼盼 睽

顧視也盼五禮切見孟子恨視也此詩當作盼然作盼亦通 舉正考異文傳錄

多譌故備錄之即附考正于逐句之下然考異謂當作盼亦非公詩用三十諫三

十一欄兩韻無旁出者盼韻在三十二韻不應突然闌入此與上剗作鑿均當从

舉正之說爲當也

送侯參謀赴河中幕 題注侯繼時從王諤辟韓 諤當從新舊史作鐸篇中洸洸

司徒公句注同 三月崧少步注崧一作嵩 按劉熙釋名嵩字或爲崧則二字

通用由來久矣 人馬何蹻蹻注泚水其馬蹻蹻馬逝也注集 逝當作壯然魯頌

泚水毛傳蹻蹻訓疆盛其訓壯貌者大雅崧高四壯蹻蹻句也若用壯義當引此

侵官固非是注左氏侵官冒也孫 冒當作冒 翰飛逐溟鴻 鴻當改鵬

東都遇春 鳥喚昏不醒注選悅爾而醒視 劉伶酒德頌豁爾而醒不作悅醒叶

下形平聲 有船魏王池注洛水經尙善旌蓋二坊之北洪 蓋當作善 謀謨

收禹績注或作跡左氏茫茫禹跡畫爲九州作績恐非孫 茫茫當作芒芒績魏

本作跡故孫氏有此注此本正文既定作績則當引商頌設都于禹之績 譬如

籠中鳥 鷦冠子世兵篇籠中之鳥空窺不出顧俠君注韓詩誤窺爲籠故正之

於此

感春五首 更遣稚子傳清孟注選恨賦右顧稚子杜詩傳孟莫放孟韓 右顧當

作顧弄莫當作不選壯軍興不爲用坐狂朝論無由陪注憲宗卽位五年平夏平

蜀軍江東赫然中興而公年踰強仕投閑分司故有此言樊 軍當作平按憲宗

元和四年成德王承宗反五年春尙未平詩意指此不必蔓引平夏蜀江東已往之事也 凶計詎可相尋來注將浴臨汝之陽泉孫 陽當改湯 誰肯留念少環迴注元微之有問韓員外辛夷花云韓 辛上當補求字花下當補詩字 酬裴十六功曹巡府西驛塗中見寄 照耀荆璞眞眞疑當作珍

燕河南府秀才 房公尹東京注元和四年以房武爲河南尹孫房武當作房式 看果相扶桱注或作擎 舉正桱李本校作擎然閣本蜀本同上愚按桱渠京切說文榜也唐韻所以正弓淮南子修務訓弓必待桱而後能調亦是此義今上既用相扶字則當从李校作擎又玉篇上収部擎舉也作桱亦通桱卽擎之或體 權公作邦楨 楨王本作禎注祥也

送李翱 題注四年正月己酉翱自東都旌善坊以妻子上船於漕乙未去東都公與石洪假舟送之丁酉同登嵩山題姓名紀別孫 己酉當作己丑同登下當从來南錄增上方南望四字蓋公與翱並未登嵩高也先是弔孟東野遂以東野行石洪自漕口先歸則上方之登有東野而無濬川孫注殊未明悉

送石處士赴河陽幕 題注公嘗有序送詩亦是時作韓送下脫之字序所謂東都

人士各爲歌詩六韻者此也

送湖南李正字歸 歷歷余所經注公貞元十九年出爲陽山樊  
旅宿夢婉婉注下音免 免當作晚今據魏本王本校改 陽山下脫令字

韓集箋正卷首終

韓集箋正

據東雅堂本

瑞安雪齋方成珪撰

邑後學陳準校刊

卷五

辛卯年雪 寒氣不肯歸 不肯二字峭雋陶飲酒詩晨雞不肯鳴擬古詩日月不

肯遲杜陪王使君晦日泛江就黃家亭子詩江平不肯流客夜詩秋天不肯明乃

公所本也 白霓先啟塗注楚詞白蜺嬰弟胡爲此堂蜺與霓同孫 楚詞九辯

驂白霓之習習兮注當引此

醉留東野 有如一筵撞鉅鐘 筵當从魏本作筵

李花二首 正見芳意初萌芽注事有萌芽舉 事有當乙霍氏有事萌芽見漢書

金日磾傳 洛陽園苑尤紛拏注女加切或作拏舉正董彥遠云拏从如今人從

拏按當作奴唐韻以拏爲或體非也考相如子虛賦按當作大人賦王逸九思皆只作拏按當作拏

考異今按說文拏从奴牽引也拏从如持也古書作拏蓋通用按拏蓋通用 按

相如大人賦騷擾紛拏師古注拏音女居反九思悼亂章穀辭紛紛拏叶下約亦此音許氏說文不知何時合拏拏二字而同以女加切音之今段氏校正云拏牽引也女居切拏持也女加切則二字音義判然矣此當从或作爲是

招揚之罌一首 題注公爲河陽令韓 陽當作南 馬悲罷還樂注罷音疲 按

罷當讀如字 食有肉與魚注史記孟嘗君傳馮驩遷之幸舍食有魚矣韓 魏

本韓注原文云史記馮驩彈其劍而歌曰長鋏歸來兮食無魚孟嘗君遷之幸舍食有魚矣廖氏不善刪節遂不可讀

寄廬全 少室山人索價高兩以諫官徵不起注李渤字潛之又久之徒少室山元

和元年以左拾遺召不至四年河陽尹遣吏持詔敦促孫 潛當作潛徒當作徒

左拾遺當作右拾遺河陽尹當作河南少尹卽杜兼也 往年弄筆嘲同異注全

與馬異結交詩云全不同異不異是謂大同而小異全自同異自異是謂全不往

兮異不至孫 按全原詩云昨日全不同異自異是謂大同而小異今日全自同

異不異是謂全不往兮異不至孫氏所引未詳何本 猶上虛空跨綠駟注綠駟

今本二字皆从馬正 注駟字當作耳 意令與國充耘耔注耔擁苗本祝 擁



今詩傳作離 豈謂貽厥無基陞注陞字見漢疏廣傳舉 注陞上脫基字 隔

牆惡少惡難似注荀子無廉恥而嗜乎飲食可謂惡少者也韓 見荀子修身篇

原文可上有則字也作矣 立召賊曹呼伍伯注有賊曹椽 椽當作據 更

道長鬚致雙鯉注古樂府云客從遠方來贈我雙鯉魚孫 贈當作遺

酬盧雲夫望秋作 題注此詩元和六年秋所作時公自河南令入為職方員外郎

作集 耶下作字衍 自知短淺無所補注漢孔光傳智謀短淺 按本傳作淺

短 論詩說賦相誦誦 誦說文作詡云詡詡多語也

誰氏子 莊子外物篇不知其誰氏之子公命題本此 所慕靈妃嬋蕭史注居數

十年孫 十字衍 寫吾此詩持送似 集韻似奉也

河南令舍池臺 規摹雖巧何足誇 前漢高帝紀贊雖日不暇給規摹弘遠矣注

摹通作模 已有蛙黽助狼藉注孟康日狼藉甚盛舉 按毛本孟注作言狼籍

之甚以說文艸不編之義準之則作藉為正

送無本師歸范陽 題注左右皆至前集 皆當是借字之譌然嘉話原文實作擁

王本同 天恐文章還斷絕集 還王本作渾 因唐安京尹劉栖楚集 安當

作突 及值公卿大夫不知覺也注集 知當作之 世俗無知者所托注集 托當

作託 東野尙無恙何以云死葬北邙山即字集 東野上脫時字即當作耶 緣

池披菡萏注爾雅荷美藻其花曰菡萏按用荆公本定或作埳或作低方从閣本

作坏皆非是異考 花當作華曰字衍按舉正作埳云蜀本作埳柳本作披荆公又

作低則此乃用柳本定非用安石本定也 無殊嗜昌歎注文王嗜昌歎見呂氏

春秋孫 按孝行覽遇合篇只作文王嗜菖蒲菹無昌歎之名 舉室長頗領注

音見本篇不領下注 不領當作不領 獐麕攪空衢注攪一作摺 按說文摺

敗也廣韻疊也與獐麕義不貫王本摺作攪說文訓引廣韻訓抽訓出稍爲近之

然終不若攪字之融洽故諸本定作攪廳當从三犬不从三火

石鼓歌 題注石鼓文在岐陽初不見稱於世樊 文當作久岐當作岐世上脫前

字 至宣王刻詩爾樊 宣王下脫時字 蒐于岐陽騁雄俊 岐當作岐注同

鸞翔鳳翥衆仙下注選鳳鸞翥飛祝 張衡西京賦鳳鸞翥於臺標祝氏所引

未詳所出句亦不詞當是傳錄之譌 二雅福迫無委蛇注毛詩協韻補音蛇唐

何切行貌揚雄反離騷駕八龍之委蛇今協歌字韻當從補音祝 詩羔羊委蛇

委蛇叶上紀君子偕老委委蛇蛇叶下河皆唐何切陸機答賈謐詩我求明德濟同以和魯公戾止衮服委蛇亦此音 十鼓祗載數駱駝注漢書匈奴傳云駝駝言能負囊而駝物也孫 傳下脫注字貢下脫囊字 觀經鴻都尚墳咽注漢靈帝元和元年二月始置鴻都門學又碑始立其觀見及摹寫者車乘日千兩孫 元和當作光和觀見据蔡邕傳當作觀視王本作觀覽千下脫餘字 羲之俗書趁姿媚注王得臣塵史云王右軍書多不講偏旁此退之所謂羲之俗書趁姿媚者也補注 石鼓文籀文也周宣王時史籀所作自籀變爲篆篆又變爲隸隸卽今之楷書與古體迥殊矣俗書對古書而言乃時俗之俗非俚俗之俗也歷史之說非是

雙鳥詩

題注嘗以蘇丞相子容云意以是指佛老二學集注

蘇丞相上脫問字

頗郊云二氏之言亂周孔之教耳集注

郊當从魏本作似

百蟲與百鳥然後鳴

啾啾注蘇耆開譚錄亦見

開當作閒

更起鳴相酬注然歐公感二子詩及東

坡李太白畫像贊考之蓋專爲李杜而作舉正

歐公上脫以字

贈劉師服

合口軟嚼如牛呵注說文云吐而噍孫注爾雅牛曰齟羊曰齟 說文

口部無咄字惟齒部齧下云吐而噍也齧當作齧 後日懸知漸莽齒注齒莽字

本莊子爲政焉可莽齒舉正 莊子則陽篇云君爲政焉勿齒莽 與子共飽鯨魚

膾注莊子任公爲大釣巨緇孫見莊子外物篇任公下脫子字釣當作鉤

題炭谷湫祠堂 題注宋敏求長安志則云炭谷在萬年縣南六十里樊 六當作

八 萬生都陽明 生都王本作物皆語落凡近非韓公本色 石孟仰環環注

古樂府四角龍子幡環環當江柱 此宋隨王誕襄陽樂語也當江柱郭茂倩樂

府作江當柱 羣嬉傲天頑注揚子雲羽獵賦羣嬉乎其間 按毛刻文選嬉作

娛間作中漢書本傳嬉作娛顏注娛戲也六書通嬉娛同娛當係娛字之誤間漢

書亦作中

聽穎師彈琴 失勢一落千丈強注古木蘭詩賜物百千強少陵詩四松初栽時大

抵三尺強 賜物一作賞賜裁當作裁

送陸暢歸江南 舉舉江南子注唐人以舉止端麗爲舉舉舉正 守典心部舉音與

引說文云趨步舉舉也从心與聲韓詩舉舉江南子俗本譌作舉舉按此論前人

所未發故敬錄之舉又音余廣韻恭敬集韻行步安舒也字又作慎同漢書絳傳

下長情悞悞蘇林訓同集韻 名以能詩聞注山齋玩月云起來自學書窗破恰

漏清光落枕前怡唐詩紀遇雲陽公主下降暢酬曰粉面仙郎選聖朝建紀事偶

逢秦女學吹簫須教翡翠聞王母須紀事不柰鳥鳶噪鵲橋樊 雲陽當作雲安

唐書公主傳雲安公主順宗女下嫁劉士涇雲溪友議誤作雲陽樊注因之不知

唐公主中無雲陽封號也唐詩紀事載暢應詔作催粧詩云雲安公主貴出降五

侯家尤其明證矣 永負湘中墳注立皇太子有詔令許歸葬補注詔當作赦

送進士劉師服東歸 隱忍碑兀窵注選江賦巨石硤硤而前却韓而當作以

夏槐作雲屯注劉表傳雲屯田馬韓傳下當補贊字田當作冀

嘲魯連子 魯連細而黠注而方作兒 按今本舉正未見

贈張籍 上馬插手版注唐輿服雜事曰八座尚書執笏餘執手版 按唐輿服雜

事云古者貴賤皆執笏書君上政令有事插之於腰帶中後代惟八座尚書執笏

以筆綴手版頭紫囊裏之餘但執手板不執筆示非記事官也據此則手板卽笏

貴賤同執所異者執筆與不執筆耳注誤 留君住廳食 廳王本作聽爲古加

厂作廳自六朝始也 自得高塞嶮注庖原九章思塞產而不釋王逸曰塞產詰

屈也孫 東方朔七諫哀命篇望高山之蹇產張衡西京賦珍臺蹇產以極壯曹植妾薄命篇釣臺蹇產清虛俱與巉巖義同言高而復屈曲也

調張籍 不知羣兒愚那用故謗傷注魏道輔云公作此詩爲微之發蓋元稹作李

杜優劣論先杜後李故爾集注 鮑以文云此是工部墓志非論也愚按微之墓志

亦是文家借寶定主常法耳況並未謗傷供奉也謂此詩爲微之發當不其然

乾坤擺雷礪注郭璞江賦巴東之峽夏禹疏鑿絕岸萬丈壁立霞駁又云微如池

裂豁若天開韓夏禹原作夏后霞原作蝦玉篇蝦東方赤色亦作霞池當作地

翦翎送籠中注彌衡鸚鵡賦閑以雕籠韓閑選作閑 金薤垂琳琅注詳見陶

嶼山詩 詩下脫注字 太山一豪芒注銳思豪芒之內又是毫字通舉正 銳思

下脫于字毫字下脫自字 刺手拔鯨牙注刺刃之也 刺臨漢隱居詩話作引

按刺當作刺刺手猶反手轉手說文刺戾也廬達切从束與从束音次者不同注

誤 騰身跨汗漫注淮南子若士與汗漫期於九垓之上孫 上當作外 乞君

飛霞珮注後漢乞楊生師祝 見後漢儒林楊政傳揚當作楊

盧郎中雲夫寄示送盤谷子詩兩章歌以和之 題注盤谷在孟州齊源縣太行山

之南孫 此時元和七年冬長安作韓 齊當作濟時當作詩 衝風衝吹破落  
天外注楚詞衝風起兮水揚波孫 楚詞九歌少司命章衝風至兮水揚波河伯  
章衝風起兮橫波孫注起當改至 馬頭溪深不可厲 元和郡縣志河東道慈  
州呂香縣南六十里有馬頭山溪當出于此 平沙綠浪榜方口注楚詞九懷榜  
舫兮不流 不當作下 坐令再往之計墮眇芒注或作渺茫 詩意謂不再往  
也當从或本 推書撲筆歌慨懷注選中矯厲而慷慨祝 見成公綏嘯賦當作  
慨懷 無異雀鼠儉太倉 無王本作何顧俠君本同按作何語勢尤健

病中贈張十八 龍文百斛鼎注史記秦武王與孟說舉龍文之鼎孫 之當作赤

照鑑釘明釘注選西都賦金釘銜璧注謂燈也祝 唐韻釘訓燈古雙切晉夏  
侯湛有金釘燈賦謝朓奉和隨王殿下詩釘華照蘭殿明皆可援以爲證至西都  
賦之金釘係車轂中鐵選注亦無訓爲燈者未知祝說何本 斫樹收窮龐注既  
連日挾所其所有軀病語囑乃爲公敗韓 挾下衍所字公下脫所字 東流水  
淙淙注蟻蛭之微不足以陵崆峒以導其所歸也淙土江切之山願終受教於公  
而公所韓此係傳錄之誤韓氏原注云蟻蛭之微不足以陵崆峒之山願終受教

于公而公于是導其所歸也 淦土江切所以當从王本作于是

雜詩 題注離心遠逝樊 心當作俗 萬墳厭其巔 考異巔方从唐本杭本作

墳今按方所从本蓋後人以重韻而誤改之說見石鼓歌珪按朱子說甚是而此本失載因補錄於此又舉正墳蜀作顛疑上崑崙顛之顛或作巔此從蜀本作顛亦通

寄崔二十六立之 下驢入省門注欲知薰風琴 知當作和 不敢捩眼窺注捩

音列拗也苕溪詩話云音麗瑟琶撥也謂左右窺 瑟當作琵琶按捩當訓拗不敢

捩眼窺則不敢正目視可知是加一倍寫法詩話之說謬甚 插翅飛天陞注左

氏虔劉我邊陲祝 今左氏成十三年傳只作垂 得非命所旅 旅當改施

抱華不能擲注蓋公得崔詩正當冬月舉正論諸毛功必是爲毛穎傳而發異考得

當从舉正作寄穎當作穎按毛穎傳乃公文論諸毛功詩意指崔所作不得牽混

爲一嬰之此句費解闕疑可也 方餐涕垂匙 匙當作匙 視物隔從從注從

字自入韻豈傳者誤耶舉誤下脫倒之二字 孤豚眠糞壤不慕太廟犧注莊

子或聘於莊子應其使曰子見夫犧牛乎衣以文綺食以芻菽及其牽而入於太



廟雖欲爲孤豚其可得乎孫 應上當疊莊子二字綺原作繡葛俗字當作芻菽  
原作叔豚原作饋 觀名計之利注今按此句難曉考 莊子盜跖篇子張問於  
滿苟得曰故觀之名計之利而義真是也公語本此 豈異哀癰罷注史記臣不  
幸有罷癰之病祝 病當作疾 休令衆唯唯注說文唯仰視也 視當作目  
况又嬰疹疾注選思百憂而自疹祝 句見張平子思玄賦而當作以 相待安  
眾筆注江東呼小籠爲筆韓 爾雅注作江東方言卷十三秦晉之間謂之筆注  
作江南 不辨養蓁施注蓁音綠玉芻也樊 玉當作王

月蝕詩效玉川子作 月形如白盤注李白詩少時不識月喚作白玉盤韓 喚當  
作呼 杞沙脚手鈍 天羅磻匱何處逃女形 形舉正及諸本皆作刑 薄命  
王值飛廉補注漢書晉義云飛廉能致風孫 王當作正注風下當補氣字 於  
菟蹲於西注楚人謂虎爲於菟孫 爲字衍 又食於禮禮有加注迎虎謂其食  
田豕韓 謂當作爲豕下當補也字 終令夸蛾挾女出注列子帝命夸蛾氏二  
子負二山注夸蛾蓋有神力者韓 兩蛾字列子湯問篇並作蛾韓注原文同  
此外内外官注七百八十三星孫 七上當補積數二字 太陽有室家注禮君

之與后猶日之與月韓 君當作天子

孟生詩 題注以其下弟送之又卒如習之所科耶樊 弟當作第科當作料 應

對多差參注以參差爲參差補 下參差當乙 窮簷時見臨注簷或作閭考史

記子貢傳閭字爲正舉 閭當作閭子貢傳當作原憲傳

射訓狐 題注或曰訓狐其聲因以名之集 聲下脫也字 安然大喚誰畏忌注

曹子建鸛雀賦不肯首服烈頸大喚舉 方扶南本烈作振 擺掉拱桷頰豎塗

注選樂拱天矯而交結祝 句見何晏景福殿賦矯作矯按前漢司馬相如傳天

蟠枝格郭璞注天蟠頰中也王延壽魯靈光殿賦旁天矯以橫出字皆从虫作蟠

一夫斬頸羣鵠枯注夫館本作矢方云或謂矢何以能斬頸也舉 舉正或上

云周禮庭氏掌射國中之妖鳥易射雉一矢亡謂作曰

將歸贈孟東野房蜀客 咄咄無自疑注晉史殷浩爲溫所廢祝 溫上當補植字

答孟郊 題注東野有別公詩此篇疑公所以答也公貞元十二年七月佐董晉于

汴州樊 郊于貞元十二年登第自誇春風得意公答詩不應有纔春思已亂之

句又郊詩云遠客獨憔悴春英各婆娑而此詩云始秋悲又挽若至秋方答則已

遲若當春言秋則無謂恐此詩非答郊汴州別公之作也 腸肚鎮煎燭注杭本

燭作燭俗字也

舉正

燭當作燭

古心雖自鞭注鞭字蓋莊子從其後而鞭之者

也 莊子達生篇視其後者而鞭之從當改視 世路終難拗注張衡渾儀拗去其半祝渾儀下當補說字

從仕 題注貞元十七年公始從調京師韓 此詩王星齋讀韓記疑謂貞元十五

年爲徐州節度推官作甚是居閒食不足蓋追溯未授幕職居符離晝上時也

## 卷六

符讀書城南 題注公之子曰昶登長慶四年進士第符豈昶之小字耶樊 韓昶

自爲墓誌曰昌黎韓昶字有之生徐州之符離小名曰符有男五人曰緯前復州

參軍次曰綰曰緄曰綺曰紉舉進士据此則符卽昶無疑而君子之澤亦遠矣緄

卽袞也咸通七年狀元及第 飛黃騰踏去注選張景陽七命整頓雲輅驂飛黃

韓 整頓當作乃敕 不見三公後寒飢出無驢注庶人之子孫也樊庶上脫雖

字

人日城南登高 太平御覽卷三十魏東平王是日登壽張安仁山銘曰正月七日

厥日惟人策我良駟陟彼安仁晉桓溫參軍張望亦有正月七日登高詩 令徵  
前事爲注今人以絲管歌謳爲令卽白傳所謂醉翻襴衫拋小令是也其舉故事  
物色爲令卽所謂令徵前事爲是也韓 襴衫集作衫袖下所謂上脫公字 刺  
船犯枯葑注梁庾肩吾詩黑米生菰葑祝 庾奉和太子納涼梧下應令詩菰葑  
集作菰葉

病鷗 題注說文鷗鳶也唐 按說文鷗鵪也唐氏所引未見 拍拍不得離注東

方朔傳擊之拍拍 按朔傳未見

華山女 浪憑青鳥通丁寧注此正譏其銜姿色異考色王本作首

讀皇甫湜公安園池詩書其後 題注持正佗詩亦未嘗有一傳世者樊 唐詩紀

事湜有爲出世篇一首筆意亦盧仝劉叉之亞 湜也困公安注公安縣屬江陵

陵下脫府字

瀧吏 始下昌樂瀧注瀧在縣上五里正舉上疑作北 譬如官居京邑何由知東

吳注或作譬如官居北一本作牧郡邑東吳一作京都 何義門云 東吳語無  
謂當如注中或作愚按韶州乃三國孫吳始興郡故曰東吳惟韶爲東吳地故瀧

吏亦用吳音稱儂也何云無謂乎 儂嘗使往罷 說文网部罷遣有罪也从网

能言有賢能而入网卽貫遣之周禮秋官司寇四曰議能之辟 州南數十里

注諸本作十數方从閣本作斗數史記書盛山斗入海舉正 按元和郡縣志潮州

潮陽郡南至大海八十五里則作十數里及斗數里皆不諳地理者也 亦有生

還儂 儂有我儂渠儂之別此詩儂幸無罪犯儂嘗使往罷乃我儂子夜歌郎來

就儂嬉負儂非一事之類皆是亦有生還儂之儂乃渠儂古樂府孟珠曲莫持豔

他儂讀曲歌冥就他儂宿尋陽樂雞亭故儂去九里新儂還是儂皆作人字解所

謂渠儂也 仁義飾其躬注飾或作飭 飭當作飭

贈別元十八協律六首 嘗膏莫嘗省注蘇林謂爲無髻錄無所省錄也舉正 嘗錄

上脫所字 又毋髻金玉成器考異 金玉當作衣服 宮室發關鍵注老子善閉

者無關鍵而不可開祝 者字衍 何人識章甫注宋人有資章甫而適越 有

字衍適下脫諸字 英英桂林伯注裴行立元和十二年以御史中丞爲桂管觀

察使伯侯伯也樊 新史裴行立傳行立學兵有法口陳願治民試一縣自效除

河東令由蘄州刺史遷安南經略使徙桂管觀察使方鎮表行立由安南徙桂管

在元和十一年又陳少章云伯九州之伯左傳五侯九伯是也樊注皆誤 矯矯

義勇身注詩矯矯武臣韓武當作虎 患足已不學注足已而不學史記周亞

夫贊論舉論原本作語當据改

初南食貽元十八協律 蟻相黏爲山注五代史潘崇徹敗王逵兵於蟻石舉王

逵當作王進逵 我來禦魑魅注流四凶孫凶下當補族字 不祈靈珠報注

其後蛇蟻珠以報孫 嚙當作銜

宿曾江口示姪孫湘二首 題注公兄弁之孫孫 弁當作介

答柳柳州食蝦蟇 雖蒙句踐禮注出見怒龍乃爲之軾孫 龍當作蠅或作鼃軾與

式通用後漢張湛傳軾輅馬

別趙子 及我遷宜春注公自潮州量移袁州郡卽宜春郡也孫 袁州下郡字衍

或袁字之譌

除官赴闕至江州寄鄂岳李大夫 題注公元和十五年九月公自袁州召拜國子

祭酒樊 元和上公字當刪 盆城去鄂渚注離騷經曰乘鄂渚而久顧孫 句

見楚詞九章涉江篇非離騷經也久當作反 風便一日耳 陸游入蜀記自江

州至鄂州七百里泝流雖日得便風亦須三四日韓詩過矣按元和志江州西至鄂州五百九十三里誠非一日可至然公詩特極言其速與李太白早發白帝城詩千里江陵一日還同意若改作風便三日耳便不成話陸說似失之泥無因帆江水注少陵詩浦帆晨初發舉廣韻六十梵帆船使風扶泛切洪注引之極是方引少陵詩似與此異義我昔實愚戀注或作戀愚戀見禮記漢書多用愚戀字舉愚戀當作戀愚見禮記哀公問漢高帝紀下王陵可然少戀張陳王周傳贊王陵少戀師古注皆云戀愚也

南山有高樹行贈李宗閔 題注此詩及下篇蓋長慶初作也此詩當是宗閔初貶公爲祭酒時作後篇當是宗閔復入後作也詳詩意可見 注前後全採韓仲韶注然王本韓注無及下篇三字并無此詩當是宗閔初貶至可見三十字想是妄庸子所增也當从原注刪之 據皮薦德裕在公歿後五年韓 據當从原注作按

猛虎行 題注猛虎行樂府舊題非前詩類也舉 舉正此下尚有六十二字說甚明確今并錄之云編者以爲贈宗閔則過矣宗閔晚節雖可議然公在日機爲中

書舍人劔州之行曲不在宗閔又公與宗閔嘗同爲淮西幕客不應譏議如此之深也況事亦不類下接新史云云 子食赤豹雖注楚詞乘赤豹從文狸韓豹下當補兮字

### 卷七

雪後寄崔二十六丞公 朝欵暮嗜不可解注楚辭長歎息而增欵 歎當作太

送僧澄觀 臨淮太守初到郡 唐地理志泗州臨淮郡時刺史張伾

山南鄭相公樊員外酬答爲詩 牙藏前全拂注拂字見楚詞九歎舉 劉向九歎

怨思章埃拂兮今本只作拂

感春三首 清眸刺劒戟注則如此老子箇中興復不淺補注 如當作知子當作于

死者長眇芒 眇芒當作渺茫

晚寄張十八助敎周郎博士 日薄風景曠注方云薄追也 追當作迫 歎息歲

將淹注今人書歿作歿又李白詩東溪卜築歲將淹舉 方何獨知此獨不可通用

也考 下歿字當作沒東溪李集及舉正皆作東谿考異方字上有不知二字何

獨作何以



題張十八所居 爲我講聲形注周禮保章氏掌教國子六書注云一曰指事二曰象形三曰象聲四曰會意五曰轉注六曰假借形聲如江河之類 此地官保氏非春官保章氏也鄭注六書象形會意轉注處事假借諧聲此注次序不合蓋參用徐鼎臣說文解字序文也三曰象聲徐序作形聲餘皆同但公詩所謂聲形自指諧聲象形二體而言此以徐序形聲釋公詩聲形非是當云聲形如江河日月之類

奉酬盧給事雲夫四兄曲江荷花行 上界真人足官府豈如散仙鞭笞鸞鳳終日相追陪 神仙傳白石先生者中黃丈人弟子也不肯修昇天之道曰天上多至尊相奉事更苦於人間又顧況集五源訣番陽仙人王遙琴子高言下界功滿方超上界上界多官府不如地仙快活皆公詩意所本也

記夢 羅縷道妙角與根注辰角大星蒼龍之角正舉星當作辰 六字常語一字

難注魯直云只前句中哦字便是所難此乃爲詩之法樊按難謂艱澀也山谷所云殊失詩意

南內朝賀歸呈同官 陳少章云南內興慶宮也新史穆宗母郭太后居興慶宮朔

望三朝穆宗率百官詣宮門上壽則此南內朝賀乃朝太后也此詩疑除京兆尹後作愚按陳解南內甚確至謂詩作於除京尹後則非也元和十五年穆宗卽位九月辛酉公拜國子祭酒冬暮至京師明年爲長慶元年七月庚申轉兵部侍郎是月乙未朔庚申二十六日此詩當是方官祭酒未轉兵侍時作唐百官志國子祭酒從三品于致官九列齊句正合前漢韋玄成傳恤我九列師古注九列卿之位唐初太常光祿衛尉宗正太僕大理鴻臚司農太府皆從三品天寶初升太常宗正爲正三品餘如故國子祭酒官秩正與之齊也詩中況於經籍深豈究端與倪及所職事無多句尤爲官祭酒之明證若官京尹則綱紀衆務職事多矣安得作此語陳以法吏指李紳亦鑿 題注皇城在西北隅謂西內洪注未明晰當云太極宮在西曰西內 余惟懋書生注懋音懋 懋陟降切懋丑江切雖懋亦有陟降切一音然不得云懋音懋也

朝歸 峨峨進賢冠耿耿水蒼珮注唐志百官朝服皆進賢冠諸佩五品皆水蒼玉舊史輿服志進賢冠三品以上三梁五品以上兩梁九品以上一梁諸珮一品佩山玄玉二品以下五品以上佩水蒼玉注未詳晰 進乏犬雞效注犬雞事取

孟嘗君雞鳴狗盜之意補注

按詩意以犬雞有司夜司晨之效謙言己不能如也

注蔓引孟嘗事非是

雜詩四首 題注樊本作四首 四當作三嘉祐杭本如此樊氏仍之然諸本皆作

四首 截接爲構榱注接音老又音接 當云又音接 束蒿以代之注或作茨

茨當作茨

讀東方朔雜事 偷入雷電室注昔爲太山上仙官令樊 官一作宮 兩手自相

接注接奴禾切與接同 說文接推也一曰兩手相切摩也奴禾切徐鉉等曰今

俗作接非是 向觀睥睨處注莊子雖羿蓬蒙不能睥睨注猶斜視也視 莊子

山木篇雖羿蓬蒙不能眄睨也眄莫練反舊莫顯反或作睥普計反睨音詣李云

邪視也

譴瘴鬼 未沫於前微注選劉孝標書音微未沫舉正 沫當作沫注並同音上當補

余悲其三字舉正原文亦有之 豈不忝厥祖注詩無忝爾祖孫 爾當作皇接

忝厥祖全語見書太甲

示兒 前榮饌賓親注故李華含元殿賦又有風雨交四榮之說 雨字衍李賦出

句雲薄萬拱見唐文粹 有藤婁絡之注婁或作縷又作婁音縷 又作當改方  
云 棊槩以相娛注唐人詩云星宿天圍棊冢子地握槩棊奕也槩傳也洪此北  
齊高昂雜詩非唐人詩也二語當乙見啟顏錄傳當作博

庭楸 此詩當是元和十一年五月降太子右庶子後作酬盧雲夫曲江荷花行所  
謂官閒得婆娑也結以不往權門自憐意尤可見矣 庭楸至五株共生十步間  
雜五行書舍西種楸梓各五根子孫孝順口舌消滅也齊民要術種楸梓法宜  
割地一方種之兩步一樹此樹須大不得概栽錄之見公詩無一語無來歷且無  
一字虛設也

和李相公攝事南郊覽物興懷呈一二知舊 舉正此詩及後詩題首皆有奉字此  
南郊之祭當是季秋大享帝新史禮樂志云迄唐之世季秋大享皆寓圓丘詩亭  
亭寒露朝寒露正九月節川原村樹二連皆秋景而中田稼饒尤季秋之明證也  
惟彼顛暝者注暝从目古眠字徐鍇曰今俗別作眠非也舉正 說文作臣鉉等檢  
說文繫傳亦未見楚金有此語當是方氏誤記

和裴僕射相公假山十一韻 磻溪釣何激注選阮籍勸進表呂尚磻溪之漁者

此嗣宗爲鄭冲勸晉王賡非勸進表也

與張十八同效阮步兵一日復一夕 題注情神自損消舉 情當作精 譬如兔

得蹄注繫辭曰得兔而忘蹄 陳少章云此莊子外物篇語王弼周易略例引之  
繫辭無此文愚按魏本孫注莊子蹄者所以在兔得兔而忘蹄兔網也廖氏多採  
魏本注語不知何以遺此

送諸葛覺往隨州讀書 鄴侯家多書注李泌封鄴侯孫 困學紀聞考史類李泌

父承休聚書二萬餘卷誠子孫不許出門有求讀者別院供饌見鄴侯家傳鄴侯  
家多書有自來矣愚按此詩鄴侯卽指李繁蓋襲父封也公處州孔子廟碑亦云  
刺史鄴侯李繁 一一懸牙籤注以別經子史集韓 子史二字當乙

南溪始泛三首 羸形可輿致注可又作事非是 按舉正可作事乃下句佳觀安  
可擲之可字也當改正 佳觀安可擲注史記秦泰山刻石文從臣嘉觀云云  
此始皇紀二十九年登之栗刻石文非泰山也

### 卷八

城南聯句 盜啖接彈驚注杜詩啾啾黃雀啖祝 集作啄與啖通 禮鼠拱而立

注陸機云河東有大鼠能人立補注

河東說文作江東關尹子三極篇聖人師拱

鼠制禮閭百詩云陳第季立云相鼠似鼠頗大能人立見人則立舉其前兩足若拱揖然會於薊門山寺見之僧曰此相鼠也及檢埤雅已有載矣蓋見人若拱似有禮儀詩所以起興也今解曰相視也鼠蟲之可賤惡者意義索然按說文引此詩亦以相爲視誤已久矣余讀毛詩已云然閭說見困學紀聞評詩類注桑螵見虛指注孫汝聽曰螵桑上蟲名虛指言空有迹耳顧俠君注云爾雅翼釋蟲尺蠖屈伸蟲也如人以指度物移後指就前指之狀古所謂布指知尺者故謂之尺蠖按此說體物微妙與公詩意合足訂孫注之譌沙篆印迴平注洪慶善曰華山有青柯平種藥平因地之平處也平處下當从原注補以爲名三字村稚啼禽猩曲禮猩猩能言不離禽獸故曰禽腥相殘雀豹趙注玉篇趙趙黨也黨當作黨造旋皮卷襦注襦力衰切卷襦見莊子造當作澀力衰切當作力充切卷襦莊子在宥篇作襦卷司馬彪注不申舒之狀也賽饌木盤簇盤舉正作槃土怪閃眸偵注土之怪者獮羊缶也韓者缶二字俱衍破甕伊威盈注詳見上送區引詩注引當作弘寶唾拾未盡玉啼墮猶鎗注唾或

作碣

陳之齊本

啼或作題舉正

按當从陳方本此與上連劒石獸材正一類朱子謂上

下文意皆言婦女事竊疑其說未當 青膚錄瑤植注植說文曰木也韓 木上

當補剛字 浙玉炊香粳注魏文帝嘲王朗曰不能效君昔在會稽折粳米古浙

作折本多作浙 見魏畧文帝當作武帝折粳米今本仍作析粳米古浙作折浙

當改浙本上脫諸字多作浙之浙當作浙按當从諸本作浙爲是 痺肌坐空瞳

考異今按莊子瞳若乎其後瞳直視也言坐久而無所見也 詩意謂坐而直視

諸伶奏技非坐久無見之謂也莊子田子方篇回瞳若夫後矣又云回瞳若乎後

者均無其字 藥巧競採笑注唐人多書叢作藥楚詞及舊本韓柳集皆然今本

尙見一二舉正 藥俗字當作叢見上原文有間字 桑變忽蕪蔓樟裁浪登丁饋

鬪詎能極風期誰復廢注晉習鑿齒傳風期超邁韓注已上言京都人士繁華之

習 超邁當作俊邁此四句言滄海桑田忽焉變易浪伐木以爲宮室臺榭高興

未極而風流不可再矣大有生存華屋零落山邱之感韓注概謂人士繁華恐非

是 肇初邁周贏注史記昔周邑我先秦嬴於後祝秦本紀後作此 傳經儷金

籟注漢書韋賢父子皆以明經孫 明經下漢書本傳有歷位宰相四字孫注原

文亦然刪之則語意未足 楓櫨至南荆注華楓梓櫨祝 句見司馬相如上林

賦梓作梓郭璞注梓平仲木也 類招臻侖詭注侖窮變祝 侖漢書文選皆

作倝與侖音義通 冥升躡登罔注字見揚雄校獵賦蜀本登作鑿竹盲切登宏

屋響也正舉 校獵賦涉三皇之登閼韋昭注登高也罔大也登字不見字書方氏

屋響之說未詳何本 春游讌羅靡注楚詞蘋草羅靡祝 句見淮南王招隱士

篇蘋當作蘋 遠苞樹蕉栢注栢一名栢欄孫選栢欄枸栢祝 栢當作栢選句

見左思吳都賦栢作栢善注栢音耶 鴻頭排刺茨注北燕謂之茭又云雞頭或

謂之鴻頭補注 茭或作茭非鴻頭當作雁頭 趙燕錫婦嫗注秦晉謂好曰姪娥

按姪當 帝堯之女舜妻娥皇字娥嫗祝 說文姪長好也注十八字膠輶不清概

可從茭 抑橫免官評注已上言門地簪紱之家韓 一本作門第簪纓之盛

血路迸瓜瓞 按爾雅釋獸麇大麇牛尾一角麇音京俗作瓞 妖殘臬鴝悖注

爾雅鴝鵒鸛其音各者烏鸛水鳥也異考 鴝爾雅原文作鴝音欺廣韻始出鸛字

鴝無各音各當作洛 威暢捐輶輶注後漢光武紀輶輶撞城注輶陷陣車也輶

樓車也韓 毛刻後漢書輶作衝注衝撞車也按撞車即陷陣車陷陣車見說文



轡字下注非後漢書注也陷从召不从冎陣俗字當作轡通作陳軻訓樓車本說文亦見光武紀注毛刻說文作兵車段注据此改正 採月漉坳泓注坳不平也祝 注本說文不平上當補地字 蛻垣亂蜷蟻注謂蛻蜒於墻屋之間<sup>舉</sup>屋方氏原文作垣當改正 碎纈紅滿杏注今从閑本云唐小說云云 當云方从三館本云曾本亦作碎唐小說云云 陶喧逐風乙 說文繫傳乙字下云此與甲乙之乙相類其形舉首下曲與甲乙字少異

會合聯句 剗苔弔斑林注以草壤洗去之洪 壤當从原本作穰 幽響泄潛莖

注爾雅蟋蟀曰蜚孫 曰字衍 江疾有餘虺 說文疒部脛氣足腫本作瘰从

疒童聲籀文从允按小徐繫傳云濕地則生此疾此詩所謂江疾也 我家本瀾

穀注瀾水名在河南穀城也樊 瀾當作瀾在當作出也當作山

鬪雞聯句 崢嶸顛盛氣 疾視而盛氣見莊子達生篇正門雞故事也 磔毛各

噤痒注韓渥詩 渥當作偃 毒手飽李陽注孤昔日厭卿老拳又杜子美義鶴

行所謂巨顛折老拳樊昔日常作往日折當作拆 神槌困朱亥注云謝本云貞

元本毒手作尊拳云云神槌尊拳選皆借用字耶<sup>舉</sup> 舉正此下有云諸聯句多

元和初年作謝只當云唐本可也 事爪深難解注漢蒯通傳事刃公之腹中正舉

漢書蒯通傳慈父孝子所目不敢事刃於公之腹者畏秦法也史記張耳陳餘傳事作傳無所目及于字腹下有中字此引漢書常存于去中 再接再礪乃注

莊子曰是其所以乃焚或作再礪乃鍛乃接猶接戰也正舉 是下脫自字見莊子

大宗師篇乃鍛之乃魏本作再嘉祐杭本側注同鍛當作鍛猶一作謂

納涼聯句 題注公元和改元六月自江陵掾召入爲國子博士至是七月與東野

會京師聯句韓 七月當作閏六月見憲宗元和元年紀詩作于閏六月下旬故

曰微微近秋朔也 閃紅驚蟄虬注楚詞蒼龍蟄虬於左右孫 楚詞惜誓篇左

右作左驂 非時結冰雹注大戴禮曰陽之專氣爲霰陰之專氣爲雹盛陽之氣

在雨水則溫暖而爲霰陰氣薄而脅之不相入則搏爲雹也 大戴禮天圓篇曾

子曰陽之專氣爲雹陰之專氣爲霰與此注正相反又漢書五行志引劉向洪範

五行傳曰盛陽雨水溫暖而湯熱陰氣脅之不相入則搏而爲雹盛陰雨雪凝滯

而冰寒陽氣薄之不相入則散而爲霰注並以爲大戴記文且謂陽氣爲霰霰搏

爲雹尤乖謬之甚者也 喝道者誰子注莊子云喝者反冰乎冷風祝 反冰莊

子則陽篇作反冬 洗矣得滂沱注徐廣洗先典切洗矣猶洗然也正舉 舉正原

文云徐廣酒先典切選夏侯常侍誅洗然變色實用史記語范曄傳羣臣莫不少

陵別李 詩洗然遇知已洗矣猶洗然廖氏刪節太過且傳錄有誤遂至不可讀耳

感然鳴鸞鸞注鸞鸞鳴于岐山孫 岐當作岐 煩懷却星星騎劉夢得詩自

羞不是高陽侶一夜星星騎馬回正舉 揚州春夜獨醒詩星星今集作惺惺 長

箋倦還捉注方言扇自關而東謂之箋孫 箋方言作箋廣韻箋與箋同 賈勇

發霜礪注莊子刃若新發於礪孫 見養生主篇刃上脫刀字 儒庠恣游息注

禮樂記游焉息焉韓 當云息焉游焉 酒醪欣共歡 枚乘柳賦空銜鮮而歡

醪見西京雜記

秋雨聯句 題注盜憲宗元和初命高崇文討劉闢時故也樊 故字衍按史元和

元年正月詔崇文討闢是詩有剝節風搜兌句乃元年八月所作至季秋則蜀平

矣 市舍煎熬怵注選心侈體汰祝 張平子西京賦語侈當作奢 感禹勤畎

注澮百里之間廣二尋深二仞曰澮孫 百里當作方百畝 離蓀不能翻注魚

尾何離蓀舉 卓文君白頭吟離蓀今本作蓀蓀方扶南云晉時樂曲作離蓀蓀

竹不从艸

征蜀聯句

竹兵彼被腕注被說文細皮起也樊

細皮當作皮細

翻覓紛偃蹇

注枚乘七發曰旌旗紛偃蹇

注紛字衍

逆頸盡微索注楊雄解嘲亡命免於

微索

楊當作揚原文云范睢魏之亡命也折脅摺髀免於微索此當刪亡命二

字

斷臂仍瓢瓢注字書無瓢字

舉

瓢當作瓢

跳鋒狀驚納注字當从彡今

本多从彡从簡也

舉

豹爾雅作𧈧所謂無前足者也廣韻始收納字今本作納

尤非

施亡多空枉注枉旌旗干也

韓

干當作竿

投奔開宿驢注奔與礮同

廣韻軍戰石也祝

奔廣韻集韻只訓大無與礮同及軍戰石之說

闢寶揆窟

窾注窟說文物在穴中

集

窟說文作窾穴中下當補兒字

嘒嘒呌窾窾

魏本作𧈧廣韻十四黠黠屈也五骨切與上窾字義正相貫當从之

載實駝鳴

圖注橐𧈧鈴機駝鳴圖

補

鈴當作鈴

刀暗歇宵督注刀刀斗也諸本多誤

舉

此二刀字舉正改作刁按漢書李廣傳不擊刀斗以自衛方言十三注刀斗謂小

鈴也又莊子齊物論而獨不見之調調乎之刀刀乎後漢書宦者傳序豎刀亂齊

讀皆若貂而字正作刀方氏改作刁謂諸本多誤是以不狂者爲狂也朱子考異

已辨之矣 及歸柳嘶蜚注爾雅蜚蟬似蟬而小祝 蟬下當疊蟬字 報力厚  
麤稻或作蘇 蘇當从革作蘇下同 維用贊勳勅注書女勅恣商獻臣祝 贊  
當作贊殷獻臣之殷作商宋人避廟諱故也

同宿聯句 巧舌干皆勢注齡說文曰牛舌病巨禁切 舌當从干作舌凡从舌旁  
者放此齡訓牛舌病渠蔭切見玉篇說文無此字 盜索不敢沁注恐此沁字當  
讀之猶汲也 之字疑王本注云不敢沁言不敢汲也 白鶴叫相暗注暗闇本  
作暗 舉正闇本暗作音 按音無去聲左傳文十七年鹿死不擇音杜預雖訓  
爲蔭茈而陸氏釋文不音則音止通蔭不通陰且與叫字義不貫知闇本誤也  
雨中寄孟刑部幾道聯句 欲知相從盡靈珀拾纖芥欲知相益多神藥銷宿慫注  
吳書虞翻曰虎珀不取腐芥韓相益多或作從益舉正引謝校本 相從盡不可解恐當  
从下句謝校作相從益或以下相益多句重複爲疑不知蟬聯而下意義尤妙也  
然無本可校姑存其說于此虎珀今吳志作虎魄音義同 祥鳳遺蒿鸞注蒿鸞  
意見莊子鸞與鸞同祝 莊子逍遙遊斥鴳翱翔蓬蒿之間釋文鸞於諫切字亦  
作鸞 鬪場再鳴先注襄二十一年先二子鳴杜注云比於雞鬪勝而先鳴孫

比上當補自字 惟當騎款段 段當作段注同

遠遊聯句 題注習之之詩見于世者此而已大率詩非其所長也 按習之不

能詩而唐詩紀事記其刺朗州日有贈藥山僧維儼絕句云練得身形似鶴形千  
株松下兩函經我來問道無餘說雲在青霄水在餅再贈云選得幽居愜野情終  
年無送亦無迎有時直上孤峯頂月下披雲嘯一聲二詩頗有風調然恐非習之  
作習之學于昌黎亦以崇正黜邪爲己任豈屑于縉流作此贊許耶又鄭州嘗掘  
地得刺史李翱戲贈詩云縣君愛壩渠邊水恣行遊鄙性樂山野掘地便成溝兩  
岸植芳草中間漾清流所尚既不同磚鑿各自修從他後人見景趣誰爲幽此別  
一李翱非習之也唐書習之傳不記其爲鄭州王深甫編次習之集乃收入此詩

露猿夜啾啾注露說文雲覆日也 孫 露說文作齡入雲部此旁从立或傳錄

之誤 乘桴追聖正注說文桴編木以渡也 孫 按說文本部桴棟名無編木以

渡之說惟水部泝下云泝編木以渡也从水付聲玉篇始訓桴爲編竹木謂大者

曰筏小者曰桴并引論語乘桴浮于海 躬輦自相勸注選非余之所勸 語

見陸機文賦余下脫力字 開弓射鵰投注古文尙書亦作驩兜爲鵰投 孫 作

當改以 路暗執屏翳注時若腰將混濁兮孫 暖當从口作曖曖下常疊暖字

波驚戮陽侯注陽雄樊 陽當作揚 淑問無咎休注漢康衡傳 匡衡作康

衡宋人避藝祖廟諱也然臨文不諱祇宜缺筆不當改字

晚秋郾城夜會聯句 題注此篇公與正封作於郾城凡百餘韻集注 餘字衍 從

軍古云樂注梁劉孝義 義當作儀 談笑青油幕注宋劉瑀嘗譏朱修之云一

朝居青油幕下孫沈約宋書劉穆之傳穆之孫瑀與顏竣書曰朱修之三世叛兵

一旦居荊州青油幕下作謝宣明面見向注過于刪節則譏字之意不明 夷凶

匪兼味注書兼弱攻昧味孫 下味字衍 百牢犒輿師注無令輿師陷入君地

孫 陷入當作淹於 小夷施毒蠱注前漢不若蠱蠱之致蠱祝 見蒯通傳若

當作如又漢書刑法志百姓新免毒蠱 雨矢逐天狼注天狼星在東井孫 東

井下當補東南二字 電矛驅海若注老子海神曰海若韓 若海神見莊子秋

水篇向若而歎句注老子無此語 力戰誰敢却注霍去病傳云力戰一日餘士

不敢有二心 霍去病傳當作衛青傳 峨峨雲梯翔赫赫火箭著注諸葛亮攻

郝照於陳倉以雲梯衝軍臨城中照以火箭射之韓 事見魏略郝照當作郝昭

衝軍當作衝車

浮橋交萬筴注說文曰筴也

舉正

筴說文作竿

超乘如猱攫

注左氏秦師過周北門超乘者三三乘

韓下三字當改百

逢掖服翻懸注禮

記儒行儒有衣逢掖之衣

孫儒有二字當刪

漫胡纓可愕注莊子冠曼胡之

纓

見說劍篇冠字當刪

虎豹貪犬羊注後漢鄭太傳驅虎兇而赴犬羊

驅上當補鑿字而當作以

憑軾論昏迷注左傳二十八年君憑軾而觀之

孫

憑左傳作馮同按此當用漢鄼食其馮軾下齊七十餘城事書但安坐乘車而游

說不用兵衆也執父征暴虐注正封詩頗緝類事實然亦有取用未精處執父

乃衛人刺行役過時而不反不知正封何以用此

孫按孫氏說詩太泥當刪之

東西競角逐注左傳晉人逐之左右角之

孫左襄十四年傳鑿如捕鹿晉人

角之諸戎持之孫注引同不知徐本何以錯誤如此

孫鬼薪懲不恪注文帝三歲

刑曰鬼薪按鬼薪已見孝惠紀

桃塞與錢罽注北有重險桃林之塞

北當

作左重險上脫崤函二字

策勳封龍額注漢衛青傳韓說封龍額侯史或作龍

額按史記建元以來侯者年表元朔五年四月了未封韓說爲龍額侯漢書衛

青傳同師古曰額字或作額則正文當作額也

注誤酡顏傾鑿落注楚詞美人



既醉朱顏酖樂天詩銀含鑿落燕祝 酖下當補些字彙集作璚同 安存惟恐

晚注後漢馬融贊生厚故安存之念深 念當作慮 宇宙重開拓注苗泰交廣

記 泰當作恭 此年名作飄注元和二年歲在丁酉孫 二年當作十二年

洪敕方下究注淮南子號令不能下究漢燕王旦傳主恩不得下究<sub>畢</sub> 號令

下無不字舉正同此誤增不得當作不及舉正亦誤 吾相兩優游他人雙落莫

唐書宰相表元和十二年七月裴度守門下侍郎同平章事戶部侍郎崔羣爲

中書侍郎同中書門下平章事故曰吾相兩優游前年八月韋貫之與度爭論上

前罷知政事是年九月李逢吉先免相出領劔南所謂他人雙落莫者殆指此也

門爲登壇鑿注君自宮中召將詔之鑿凶門而出孫 中字原文所無今刪

九遷彌審謬注任彥外孫 外當作昇 竄筵盡狐趙注左昭十七年晉文公有

士狐偃趙衰孫 十七年當作十三年士下當補注字 五鼎調勺藥 晉灼子

虛賦注南都賦曰歸雁鳴鸛香稻鮮魚以爲勺藥酸甜滋味百種千名此以勺藥

爲調和也李善曰服氏一說以勺藥爲藥名晉氏和調之言於義爲得 誘接謂

登龍注謂或作諭登龍門見後漢李膺事孫 謂當作諭諭猶譬也古諭字訓譬

者如前漢賈誼傳誼追傷屈原因以自諭是也玉篇廣韻始出喻之字李膺事之  
事當作傳 但擲屈笑金注鮑明遠白紵曲 曲當作歌 生堂合聲鐘注大鐘  
謂之鏞注亦名鏞祝 亦上當補鏞字 割烹厭脾臠注說文臠口上也 孫  
文三篇谷口上阿也从口上象其理或作啍康或从肉从臠作臠注口上下當補  
阿字 山多離隱豹注列女傳云南山有玄豹隱霧雨十日不下食韓 列女傳  
霧上無隱字十作七目下有而字 道舊生感激注漢高紀道故舊爲笑樂樊  
故舊當作舊故 市海賜酺酺注漢律須有詔令乃許大酺酺會聚酒也孫  
漢文帝紀酺五日服虔訓會聚飲食酺史記貨殖傳徐廣云會聚食說文會飲酒  
也此或參用其說酒上當補飲字 取歡移日飲注漢夏侯嬰傳與高祖語未嘗  
不移日又田蚡傳 田蚡傳下當補丞相入奏事語移日八字 求勝通霄博注  
北史李謹好學隆寒遠曙盛暑通霄 寒本傳作冬 五白氣爭呼注楚詞招魂  
有成臯而牟呼五白韓 有字當刪白下當補些字 三畝宿楊梓注禮記天子  
無事則歲三畝長楊五梓漢二宮名在盤屋縣 畝禮王制止作田按田畝古通  
用盤當作盤今作盤下从血不从皿 農書乍討論注漢藝文志有農家書九百

一十四篇 當云漢藝文志農九家百一十四篇 我僕或歌罍注爾雅徒擊鼓

曰罍孫 曰罍當作謂之罍 庶用存糟粕 糟魏本作糠非

### 卷九

又魚招張功曹 題注出爲南方縣集注 縣下脫令字 盈車欺故事注得魚焉孫

魚上脫鰓字 釣渭日徒消注史記呂尙年老魚釣樊 魚當作漁 何須強

問鴉注問于子鵬 鵬漢書賈誼傳作服

李員外寄紙筆 蕪淨雪難知注羲之製蘭亭用蠶繭紙書之韓 蘭亭下當補序

字

次同冠峽 懸流揭浪標 標當从魏本作標

郴州祈雨 神降越巫言注史記漢武帝令越巫立越祠祝孫 祠祝當作祝祠

行看五馬入注南史柳景元兄弟五人並爲太守時人語曰柳氏門庭五馬逶迤

洪 按南史惟有柳元景而元景傳不載五馬事豈別有所据耶

郴口又贈二首 迴頭笑向張公子 漢五行志成帝時童謠云張公子時相見謂

張放也杜贈翰林張四學士埒詩云天上張公子又送張十二參軍赴蜀州詩云

好去張公子及公此句俱源於此

喜雪獻裴尚書 灑急聽憲知注借問火城將策試補 憲當作窗借集作爲 書

文鳥篆奇注索靖書狀蒼頡既王書契是爲科斗鳥篆 王當作工 擬鹽吟舊

句注散鹽空中差可擬樊 散世說作撒 授簡慕良規注謝靈運雪賦曰梁孝

王授簡於司馬大夫曰爲我賦之樊鄴通當作惠連我當作寡人 捧贈同燕石

注有客觀之孫 有當作周

和歸工部送僧約 汝既出家還擾擾何人更得死前休 按舊史歸登字冲之崇

敬子順宗初以東朝舊恩超拜給事中遷工部侍郎累遷工部尚書與孟簡等受

詔同翻譯大乘本生心地觀經蓋深於禪悅者公詩擲檢僧約亦隱以諷歸也香

祖筆記嘗載廣州贈大汕向吳園次綺自述酬應之苦吳笑應之曰汝既苦之何

不出了家座客皆大噉又引楊誠齋詩云袈裟未著言多事著了袈裟事更多古

今緇流正如一邱之貉耳

入關詠馬 題注元和元年夏入江陵召拜國子博士韓 入當作自 不知何故

翻驥首注顏延年賦望西極而驥首 赭白馬賦望作脊

梁國惠康公主挽歌二首 龍轡非厭翟注選潘岳寡婦賦龍轡儼以星駕兮 以

當作其 奔月寬淪輝注羿妻嫦娥竊而奔月孫 淮南子覽冥訓嫦娥作姮而作

以

和崔舍人詠月二十韻 瀟疎物象冷 瀟當從魏本作蕭 無田拾落莫注堯皆

有莫孫 皆當作塔

詠雪贈張籍 歷亂竟誰催注梁書豫章王綜鳴鐘詩歷亂百愁生 鳴鐘詩當从

本傳作聽鐘鳴辭 眞是屑瓊瓊注王氏塵史云說文以瓊爲赤玉比見人詠白

物多用之韓愈雪詩眞是屑瓊瓊按廣韻與玫瑰又今朝踏作瓊瓊跡按此瓊字別有所

稽耶豈用之不審也注 唐音癸籤瓊爲赤玉見說文但毛詩傳言瓊非一惟云

玉之美者非以爲玉色名詩傳在說文前尤可据陳張正見應應衡陽王敎詠雪

詩睢陽生玉樹雲夢起瓊田隋王衡翫雪詩壁臺如始構瓊樹似新栽並作白用

不獨謝惠連雪賦林挺瓊樹句也按左傳僖二十八年楚子自爲瓊弁注玉之別

名成十七年或與已瓊瑰注訓玉疏訓玉之美漢書揚雄傳上精瓊靡與秋菊兮

應助注玉之華也皆不作赤玉解今段氏說文改赤爲亦謂儔是赤玉當圓瑤瓊

二篆間其說甚辯可以正從來沿習之誤矣 娥嬀華蕩濫注娥恒娥見淮南子  
孫 覽冥訓恒作姁 擠排陸級纔注史記擠排莊助買臣祝 擠排史記作排  
擠買臣二字當刪去酷吏張湯傳湯爲廷尉治淮南獄排擠莊助買臣固心望上  
句助字絕下句望字絕注于句讀殊不分明 包羅委瑣該注漢相如傳豈特委  
瑣握蹠 瑣當作瑣握當作囁 悠悠市九垓注風俗通十兆曰經十經曰垓國  
語天子之田九垓以食兆民祝 經當作京祝注下二句本楚語垓實作咳按鄭  
語王者居九垓之田收經入以食兆民韋昭注萬萬爲垓注當引此 高愁撥斗  
魁注北斗第一至四爲魁第五第七爲標孫 孫注所引見春秋通斗樞第七當  
作至七標當作杓 岸類長蛇攬注岸類或作堰似 堰當作堰  
酬王二十舍人雪中見寄 題注王涯爲舍人見王適墓誌本傳略之舉 按舊史  
王涯傳涯于元和九年八月正拜中書舍人是本傳並不略之十年卽轉工部侍  
郎此詩九年冬作 爲有詩從鳳沼來注從或作仙 舉正胡元任云若詩仙殊  
失見寄之意

奉和庫部盧四兄曹長元日朝迴 題注國史譜云兩省相呼爲閣老尙書丞卽相

呼爲曹長洪 譜當作補卽當作耶 天伏霄嚴建羽旄 仗不加點唐儀衛志  
凡朝會之仗三衛番上分爲五仗一曰供奉仗二曰親仗三曰勳仗四曰翊仗五  
曰散手仗皇帝陞御座內謁者承旨喚仗朝罷皇帝步入東序門然後放仗伶工  
謂夜警爲嚴天子將出前發七刻擊一鼓爲一嚴前五刻擊二鼓爲再嚴前二刻  
擊三鼓爲三嚴諸衛以次入陳殿庭 金爐香動螭頭暗注唐會要云漢栢梁殿  
災越巫言海中有魚虬尾似鷗激浪則降雨遂作像于屋以厭火災亦作螭字 孫  
孫本螭作鷗故有此注而實非也雍錄殿前螭頭蓋玉階扶欄上壓頂橫石刻  
爲螭頭之狀也以橫石突兀不雅馴故刻螭以文之又唐百官志起居郎舍人分  
侍左右秉筆隨宰相入殿若仗在紫宸內閣則夾香案分立殿下直第二螭首和  
墨濡筆皆卽坳處時號螭頭 玉佩聲來雉尾高戎服上趨承北極 儀衛志皇  
帝步出西序門索扇扇合皇帝陞御座扇開左右留扇各三左右金吾將軍一人  
奏左右內外平安所謂戎服上趨也 儒冠列侍映東曹 按儀衛志文班自  
東門而入或卽所謂東曹耶 耶署何須歎二毛注不擒二毛孫選潘安仁秋興  
賦余春秋三十有二始見二毛樊 擒左氏作禽賦下當補序字

寒食直歸遇雨 不見紅毯上注劉向別錄曰踏鞠黃帝所造無字書無踏字他

書引別錄皆作蹻鞠

送李六協律歸荆南 題注李協律翺也孫舉正云舊本皆不著其人今注翺字者非

題百葉桃花 題注公元和十年知制誥時作韓詔當作誥故件仙郎宿禁中

注尚書入直臺廨中給使史一人注集唐人任郎官多稱仙郎尚書下脫郎字使史

當作侍史任一作諸

戲題牡丹 題注得白牡丹一窠植於長興私第至德中馬僕射領太原各得紅紫

二色者移於城中樊原本長興作長安各作又當据改

盆池五首 恰如方口釣魚時注亘溫敗枋頭正舉亘當作桓宋人以欽宗廟諱避

之夜半青蛙聖得知注聖或作聰山谷早梅詩羅幃翠幙深調護已被游峰

聖得知本此作聽即意味索然矣且上句不言聲音聽字亦突出無根也

芍藥 題注知制誥樊詔當作誥

竹溪 落水紫苞香注少陵竹詩有雨洗娟娟淨風吹細細香前輩嘗云竹未嘗有



香而少陵以香言之豈知公亦有落水紫苞香之語乎 按晉江道竹賦已有振蕙蕤屬芳芳之語但未明見香字耳

北湖 尋當到此迴 當王本魏本均作常應从之

稻畦 稻當作稻 郢布畦堪數注桓譚新論守邊隅趨作郢以自生於小地異

選韋昭博奕論所務不過方郢之間善注桓譚新論俗有園棊下者守邊隅趨作郢目生於小地與朱子所引小異

方橋 方橋如此作注白樂天皮日休詩皆自注曰晉佐舉 按朱子引廣韻云作

將祚切而以韻如佐爲將祚切之訛然廣韻三十八箇原有則箇切一音則晉佐亦非訛也

梯橋 初疑躡菡萏 按何義門謂菡萏指蓮華峯非也此詩上句上青冥言飄飄

如騰空而橋下植荷花梯橋有級中虛故疑躡菡萏耳

遊城南十六首注十六詩非一日作編者類次之舉類下脫而字

賽神 題注冬塞禱祀廣陵厲王殺牛塞禱 祀當作祠厲王下當補傳字

題于賓客莊 于頗卒于元和十三年八月此詩寫景荒涼當是十三年後作

贈同遊 更與盡情啼注復齋漫錄補注設當作漫

贈張十八助教 題注時爲四門國子博士助教孫按舊史張籍傳籍自太常寺

太祝轉國子助教注四門博士四字衍 忽見孟生題竹處注公與孟郊嘗遊此

有城南聯句至是郊死矣孫孫注下尙有郊以元和九年八月卒九字當補入

嘲少年 都將命乞花注漢乞揚生師 語見後漢書儒林楊政傳揚當作楊

### 卷十

送李尙書赴襄陽八韻 題注按遜本傳遜戶部侍郎爲山南東道節度使又按襄

州石本題名銜云檢校工部尙書李遜時遜蓋自尙書而出史略之韓按工部

尙書乃節使加銜所謂檢校也遜實自工侍出非自工尙出檢校之銜不備書亦

史傳之常例非略之也舊傳遜後于元和十四年以國子祭酒拜許州刺史而新

傳云檢校禮部尙書可證矣 五營兵轉肅 五營謂遜所領襄復郢均房五州

之營也後漢書張奐傳率五營士圍寶武 風流峴首客注羊叔子嘗與客鄒堪

登峴山曰自有字出而有此山樊客當作從事鄒堪當作鄒湛而當作便 花

豔大堤倡注暮至大堤曲韓曲當作宿

和席八十二韻 綾衾夜直頻注供青綾白綾被孫 青綾當作青緣 巡池詠白

蘋注日落江南春孫 落一作暖

遊太平公主山莊 新史公主傳太平公主則天皇后所生先天二年謀廢太子事敗賜死主作觀池樂游原以爲盛集既敗賜寧申岐薛四王都人歲祓禊其地又長安志十一終南山在京兆萬年縣南五十里樂游廟在縣南八里据此則山莊之延袤可見矣

大行皇太后挽歌詞三首 一紀尊名正注后以永貞元年尊爲皇太后崩於十一

年故曰一紀 按注十一年當補元和二字又憲宗于永貞元年八月受禪立莊

憲皇后爲太上皇后其尊爲皇太后在元和元年五月注亦未詳晰 玄堂掩太

平注翠轡舒阜韓 轡當作帟 配地行新祭注上文帝母薄太后曰高皇后配

食地孫 薄太后下當補尊號二字地下當補祇字 因山託故封注皇后合葬

豐陵孫 皇后當作皇太后 劍化會相從注此非君臣所宜言注補 君當作人

空聞報曉鐘注報曉或作曉暮 舉正以臨長樂言之報曉爲是 晝嬰登秋

殿注禮喪服大記晝嬰二注漢制以木爲篋廣三尺高二尺四方兩角衣以布孫

喪下服字衍方當作寸布上脫白字

廣宣上人頌見過 題注宣有詩名號紅樓集

注集

名號二字必衍其一

和侯協律詠筍

挾勢欲騰鶩

鶩當作鶩

羣強幾觸藩

淮南子繆稱解以黨

羣以羣強

庸知上幾番

杜三絕句會須上番看成竹

按廣韻番孚萬切音販

上番謂逐節而長也此作平聲用義同

婦孺咨料揀注且將料簡世所希有者

舉

將當作共

過鴻溝

按漢書高帝妃四年九月漢王欲西歸以張良陳平諫五年冬十月復追

項羽至陽夏南遂滅楚詩所謂勸回馬首者正指良平之言時平淮之功裴晉國

實贊之公亦與有謀焉蓋借以美裴且自喻也

奉和裴相公東征途經女幾山下作

題注女幾山在河南福昌縣三十四里樊

縣下當補西南二字

旗穿曉日雲霞雜山倚秋空劍戟明注洪慶善云以我之

旗況彼雲霞以彼之山況我劍戟詩家謂迴鸞舞鳳格 洪慶善云下當補一士

人云四字

鄆城晚飲奉贈副使馬侍郎及馮李二員外

卽是連鑣向闕時注說文云鑣馬嚼

也韓·嶠當作衡

酬別留後侍郎 謀帥難居郤縠先注趙襄曰郤縠可孫 襄當作襄

次硤石 題注諸本硤作峽今陝縣也地理志可考舉 唐地理志硤石縣屬河南

道陝州陝郡硤新史作峽

和李司勳過連昌宮 題注連昌宮在河南壽安縣之二十九里然詩落句云云疑  
爲明皇所作而元微之連昌宮辭大槩詠明皇帝焚壽安縣下當補西字二十九  
里當作一十九里地理志可證所當作帝大槩下當補亦字

次潼關先寄張十二閣老使君 荆山已去華山來日出潼關四扇開 新史地理  
志虢州宏農郡湖城縣有覆釜山一名荆山元和郡縣志湖城縣東北至虢州七  
十里荆山在縣南虢州西北至潼關一百三十里自關至華州一百二十里故曰  
迎候遠也

次潼關上都統相公 題注都統謂韓弘也孫 陳少章云淮西之平裴度以宰相  
督戰李商隱韓碑詩所謂腰懸相印作都統也注以韓弘當之誤愚按詩首句暫  
辭堂印即可知都統之爲晉公矣

桃林夜賀晉公 題注桃林在陝之靈宣縣云韓 按宣當作寶蓋桃林本縣名號

郡所隸武德元年屬陝州天寶元年獲寶符於縣南古函谷關因改名靈寶云

送李員外院長分司東都 兩地無千里 舊史地理志河南府在西京之東八百

五十里

晉公破賊回重拜台司以詩示幕中賓客愈奉和 題注愈因之 因下脫和字

獨釣四首 儵來傍釣車注坐親刑柄來弄釣車爲一說 正 說當作義

枯樹 猶堪持改火注馬融曰周書令有改火之文 焚 令上脫月字

元日酬蔡州馬十二尙書去年蔡州元日見寄之作 上蔡州當作華州否則下二

字複出爲贅矣方鎮表馬總遷忠武廢淮西節度總尋遷潼關李光顏復爲忠武

節度增鎮蔡州所謂誰人領者指淮西節鎮廢後言之且以見獷戾之邦威懷非

易總在華州常亦不能不分憂舊理也

詠燈花同侯十一 黃裏排金粟注黃裏排金謂額間花鈿也 正 金下脫粟字

祖席 題注舊注云以王涯徙袁州刺史而作按舊紀涯刺袁州元和三年四月也

正 舉 按舊史憲宗紀元和三年四月涯以甥皇甫湜對策忤宰相貶虢州司馬不

載其徙袁州刺史事傳亦略之新史本傳則紀其自號刺袁王宋賢以詩有菊鮮  
木落句謂貶號在初夏徙袁當在深秋理或然也 淮南悲木落 淮南說山訓  
故桑葉落而長年悲也庾信枯樹賦引作木葉落長年悲 榮華今異路風雨苦  
同憂 苦當作昔

送鄭尚書赴南海 魏本題下云得來字 風靜鷓鴣去注國語海鳥曰鷓鴣

按魯語止作爰居 官廉蚌蛤迴注東漢孟嘗爲合浦太守珠復還樊 珠上當

補去字 貨通師子國注師子國在南海中 南上當補西字

左遷至藍關示姪孫湘 題注賁瑱高議云湘字清夫公姪也落魄不羈又公曰汝

能奪造化開花乎又湘曰事久可驗又公逸詩有徐州贈族姪云云

注集

按湘字

北渚宰相世系表老成子湘登長慶三年第大理丞本集第六卷有示爽詩韓仲

韶謂爽卽湘小字詩中有名科揜衆俊之句則非落魄不羈可知且湘爲公姪孫

不得以姪及族姪當之造化下衍開花二字可驗之可作方當依原文刪改

題臨瀧寺 題注臨瀧韶州縣名韓 唐地理志韶州曲江縣武德四年置臨瀧良

化二縣貞觀八年省是臨瀧乃舊縣名寺特假以爲名耳 不覺離家已五千

舊史地理志韶州至京師四千九百三十二里

晚次宣溪 百首相隨愧使君注百或作白 舉正杭本作百首蜀本作白首此豈猶祭張署文所謂百篇在吟者耶白首非義

過始興江口感懷 憶作兒童隨伯氏 作猗覺寮雜記引作昨

韶州留別張端公使君 鳴笛急吹爭落日注唐本云蜀本亦作爭 按唐本上當

補方从二字

遊西林寺題蕭二兄郎中舊堂 中郎有女能傳業注其女文姬能誦憶父書無遺

誤韓 書下當補文字 伯道無兒可保家注皇天無知鄧伯道無兒矣 晉書

鄧攸傳皇天作天道鄧上有使字

題廣昌館 按元和志山南道隨州棗陽縣本漢蔡陽地屬南陽郡後漢分蔡陽立

襄鄉縣周改爲廣昌據此則館乃用古縣名也

留題驛梁 繞墳不暇號三市注既封且號者三焚 既封下有左袒右還其封六

字此繞墳三市之義也不宜妄却 設祭惟聞飯一盤注荆楚歲時記祭子推文

黍飯一盤韓 祭上當補孫楚二字黍飯當作麥飯



賀張十八秘書得裴司空馬 孫良臣云賀當作和按新史裴度傳度爲河東節度使穆宗卽位進檢校司空 題注或作酬張秘書因騎馬贈詩 騎當从舉正作寄觀詩首句便見張籍亦有謝裴寄馬詩 春風還擬並鞍行 按穆宗于元和十五年閏正月卽位是年九月以度守司空此詩有春風句是指長慶元年之春而言詩實十五年冬作

杏園送張徹侍御歸使 題注唐本云徹時以幽州判官趨朝半道有詔還之仍遷侍御史從張弘靖之請也杏園在長安城南其實徹已抵京但未朝見耳舊傳云續有張徹自遠使歸是也正舉 按舉正歸使作使歸又云諸本無歸使二字惟唐本有之此唐本上當从王本補方从二字蓋方从唐本有歸使而并乙爲使歸也徹時以幽州判官至末皆方語若刪去方从二字則直似唐本語矣大抵廖氏輯諸家評注例不著其姓名而抑知有斷不可不著者此類是也

雨中寄張博士籍侯主簿喜 半路蹋泥歸 按半路舉正作夜半朱子謂朝還無因至夜半似已然白樂天和公此詩結句云仍聞放朝夜誤作到街頭是亦以夜言之則方作夜半未爲臆斷也方又云文苑作半路頗有義固未嘗株守已見矣

憂麥作蛾飛注述異記晉太康中麥化為飛蛾 太康當作永嘉

早春與張十八博士籍遊楊尙書林亭寄第三閣老兼呈白馮二閣老 按楊嗣復與白居易均以長慶元年十月爲中書舍人馮宿之拜中舍在二年此詩卽二年二月作

奉使常山早次太原呈副使吳郎中 按雪王廷湊罪復以爲節鎮非公意也故此詩有微詞焉地失嘉禾言太平無象風存蟋蟀警太康也結則憂深思遠可于言外得之 地失嘉禾處注書唐叔得禾異畝同穎獻諸天子作嘉禾韓書下當補序字

和水部張員外宣政衙賜百官櫻桃詩 色映銀盤寫未停 曲禮御食於君君賜餘器之漑者不寫其餘皆寫注謂萑竹所織不可洗滌則傳寫於他器而食之不欲口澤之瀆也杜少陵野人送朱櫻詩數回細寫愁仍破

早春呈水部張十八員外二首 柳色如今深未深王本作又

送桂州嚴大夫 江作青羅帶注子厚詩海上羣山似劒鉞 海上羣山柳集作

海畔尖山

奉和李相公題蕭寺林亭 題注嵩第在城南布政坊見長安志樊坊下原注云  
真第在城南永樂坊志下云餘無所見 山公自是林園主注山簡晉永嘉中爲  
襄陽守峴山有佳園池然 當云峴山南習郁有佳園池簡每臨此池輒大醉而  
歸名之曰高陽池孫氏原注不闕 巖洞幽深門盡瓊瑣常作鎖

奉和杜相公太清宮紀事陳誠上李相公十六韻 舊紀天寶元年置玄元廟於大  
寧坊二月辛卯親享于新廟二年三月壬子改西京玄元廟爲太清宮東京爲太  
微宮天下諸郡爲紫微宮 輜標建夏家 輜見文子自然篇及呂氏春秋慎勢  
篇史記夏本紀作播河渠書作義漢書溝洫志同史記注引尸子作楯尚書益稷  
正義又引尸子作範說文車部作輶輶見說文木部夏本紀作楹河渠書作橋溝  
洫志作揭文字自然篇作標淮南子修務訓作菓古書錯雜不符如此 紫極觀  
忘倦 唐會要太清宮薦獻聖祖玄元皇帝奏混成紫極之舞 噲呬宮夜闌注  
相如曰聲噲呬而似鐘音錚宏祝 聲噲呬而似鐘音相如長門賦語也祝注原  
文句下云二字音錚宏今刪去二字音二字但云錚宏注家有此文法乎想徐氏  
未見長門賦而以聲噲呬而似鐘爲句故耳 唱研酬亦麗俛仰但稱嗟注亦或

作匪唱酬謂李杜稱嗟公自謂也舉正

當四字

稱嗟舉正作與嗟公自謂也下有亦字爲